


陝西通志



第四十一卷

鹽法

錢法附

DS
793
S4585
1735
V.41

陝西通志第四十一卷

鹽法 錢法附

鑄山煮海國用權衡黑龍花馬池水凝晶埽紅戎帳熬波堡營召
商實粟藉以強兵我

朝正筴運納維平暨乃刀幣如泉流行陋彼會鈔弗事治阮政先食
貨溥惠秦氓作鹽法志第十八

國朝

產鹽

花馬大池坐落榆林府定邊縣地方距府六百里距縣城二十

里周圍一十六里

舊志云圍
二十七里

本西秦牧地卽土治鹽故名花馬

池原隸甘省靈州明嘉靖九年總制王瓊以大池去靈州遠且
密邇延綏奏吹屬延綏鎮鹽場堡每年二月間於池內開治壩

畦引水入池灌畦風起波生日晒成鹽用力極易唯天旱少水或雨水過溢所產差少爛泥池在大池西南十五里周廣十二里波羅池在大池西南二十里周廣十里連環池在大池西南三十里東南角屬定邊周廣十餘里西北角屬慶陽紅崖池在大池西南三十五里周廣十里娃娃池在大池西南四十里周廣八里此六池唯大池有海眼九處可以開治壩畦其五池無海眼亦無壩畦產鹽無定

三眼泉坐落綏德州西九十里刮土煎鹽額設鹽鍋一百八十五面

馬湖峪坐落米脂縣北四十里產鹽河灘周廣約三里刮土煎鹽額設鹽鍋二百九十一面

永樂倉坐落魚河堡康家灣之南河灘周廣五十里刮土煎鹽

額設鹽鍋三百八十五面以上三處產鹽卽古碎金驛鹽也積
以廢弛沿及明季因馬湖峪等處鹺土硃薄五穀不生議令
丁刮土淋水煎鹽計鍋起票徵稅名曰鍋票稅

本朝因之

花馬小池在寧夏鎮靈州惠安堡

詳見甘肅省志

解池在西安邑縣

詳見河東鹽法志

按以上二處產鹽不在陝省本境而爲陝省食鹽之處故溯其所自附錄于此

食鹽

西安府屬十四縣食解池鹽

延安府屬八縣食花馬大池鹽

鳳翔府屬一州七縣食花馬小池鹽認銷河東引

漢中府屬一州八縣原食花馬大池鹽雍正三年

題准改食花馬小池鹽仍認銷大池引

榆林府榆林縣所屬魚河堡食本地永樂倉土鹽靖邊定邊二縣食花馬大池鹽餘各營堡俱食口外夷鹽不領引納課

興安州一州並所屬六縣食解池鹽

商州一州並所屬四縣食解池鹽

同州一州並所屬四縣食解池鹽

華州一州並所屬三縣食解池鹽

耀州一州並所屬二縣食解池鹽

乾州一州並所屬二縣食解池鹽

邠州一州並所屬三水淳化二縣食解池鹽長武一縣原食解

池鹽雍正八年

題准照鳳課例改食花馬小池鹽仍認銷河東引

鄜州一州并所屬三縣食花馬大池鹽

綏德州食本州所屬三眼泉土鹽米脂縣食本縣所屬馬湖峪土鹽清澗縣食花馬大池鹽

葭州一州并所屬三縣食口外夷鹽不領引納課

〔引額〕

西鳳二府與商同華耀乾邠七州歲領河東額引加增引共拾貳萬零壹百貳拾道每引掣鹽貳百肆拾觔每壹百貳拾引爲一名

延漢二府屬榆林府所屬靖邊定邊二縣鄜州一州綏德州所屬清澗一縣歲額領花馬大池引共叁萬玖千肆百道每引鹽貳百觔

榆林府所屬魚河一堡綏德州一州并所屬米脂一縣歲額領

鹽票共貳萬零陸百陸拾肆張每票鹽壹百觔

各府州縣分銷引額

西安府屬歲額銷河東引伍萬柒千零拾叁道內長安縣額引
陸千捌百壹拾壹道咸寧縣額引柒千捌百伍拾柒道咸陽縣
額引貳千貳百柒拾捌道興平縣額引貳千道臨潼縣額引叁
千捌百道高陵縣額引壹千柒百伍拾伍道鄠縣額引壹千柒
百肆拾貳道藍田縣額引叁千陸拾道涇陽縣額引伍千陸百
叁拾肆道三原縣額引叁千伍百道盩厔縣額引叁千肆百柒
拾伍道渭南縣額引柒千貳百陸拾伍道富平縣額引伍千貳
百叁拾陸道醴泉縣額引貳千陸百道商嶺商繳

延安府屬歲額銷花馬大池引柒千柒百柒拾陸道內膚施縣
額引捌百陸拾肆道安塞縣額引壹千捌道甘泉縣額引柒百

貳拾道安定縣額引捌百陸拾肆道保安縣額引壹千捌道宜
川縣額引壹千貳百玖拾陸道延川縣額引壹千壹百伍拾貳
道延長縣額引捌百陸拾肆道係榆林道彙文赴部領繳發各
縣辦課

鳳翔府屬歲額認銷河東引壹萬陸千叁百道內鳳翔縣額引
壹千陸百伍道岐山縣額引貳千玖百玖拾柒道扶風縣額引
伍千捌百壹拾叁道郿縣額引壹千捌百壹拾捌道寶雞縣額
引叁千貳百捌拾壹道汧陽縣額引壹百貳拾玖道麟遊縣額
引陸拾捌道隴州額引伍百捌拾玖道係知府領引分發各州
縣經徵繳引

漢中府屬歲額認銷花馬大池引貳萬伍千道內南鄭縣額引
貳千伍百柒拾捌道褒城縣額引壹千伍百叁拾道城固縣額

引肆千叁百拾陸道洋縣額引玖千貳百陸拾玖道西鄉縣額
引叁千捌道鳳縣額引柒百叁拾捌道寧羗州額引玖百肆拾
肆道沔縣額引壹千壹百拾陸道畧陽縣額引壹千伍百壹道
係知府彙文赴部領繳發各州縣辦課

榆林府屬靖邊定邊二縣歲額銷花馬大池引壹千肆百肆拾
道內靖邊縣額引伍百叁拾伍道定邊縣額引玖百零伍道係
榆林道彙文赴部領繳發各營堡辦課榆林縣所屬魚河堡歲
額銷永樂倉鹽票玖千貳百肆拾張在榆林道廳衙門刷領

興安州屬歲額銷河東引貳千零貳拾貳道內本州額引捌百
肆拾捌道平利縣額引壹拾道洵陽縣額引肆百道白河縣額
引拾貳道紫陽縣額引壹百道石泉縣額引貳百伍拾貳道漢
陰縣額引肆百道商領商繳

商州屬歲額銷河東引貳千陸百捌拾道內木州額引壹千叁百道鎮安縣額引貳百捌拾道雒南縣額引陸百道山陽縣額引叁百道商南縣額引貳百道商領商繳

同州屬歲額銷河東引壹萬捌千捌百陸拾柒道內本州額引叁千道朝邑縣額引肆千玖百叁拾伍道郃陽縣額引伍千壹百叁拾貳道澄城縣額引貳千捌百道韓城縣額引叁千道商領商繳

華州屬歲額銷河東引壹萬貳千伍百零壹道內本州額引叁千壹百玖拾肆道華陰縣額引貳千肆拾伍道蒲城縣額引柒千壹百貳拾玖道潼關縣額引壹百叁拾叁道商領商繳

耀州屬歲額銷河東引貳千叁百拾壹道內本州額引捌百叁拾玖道同官縣額引叁百伍拾道白水縣額引壹千壹百貳拾

貳道商領商繳

乾州屬歲額銷河東引肆千陸百伍拾叁道內本州額引貳千柒百柒拾玖道武功縣額引壹千肆百陸拾道永壽縣額引肆百拾肆道商領商繳

邠州屬歲額銷河東引叁千柒百柒拾叁道內本州額引壹千叁百陸拾玖道三水縣額引陸百道淳化縣額引壹千道長武縣額引捌百肆道商領商繳

邠州屬歲額銷花馬大池引肆千肆百陸拾肆道內本州額引壹千壹百伍拾貳道洛川縣額引壹千伍百捌拾肆道中部縣額引捌百陸拾肆道宜君縣額引捌百陸拾肆道係榆林道彙文赴部領繳發州縣辦課

綏德州屬歲額銷三眼泉馬湖峪鹽票壹萬壹千肆百貳拾肆

張花馬大池引柒百貳拾道內本州額票肆千肆百肆拾張
脂縣額票陸千玖百捌拾肆張在榆林道廳衙門刷領清澗縣
額引柒百貳拾道係榆林道彙文赴部領繳發縣辦課

西安一府興商同華耀乾邠七州雍正七年派增符引貳千陸
百零叁道

按舊例商領河東引每名止領壹百拾柒道揭存叁引爲解州
安邑縣二處包賠雍正七年部頒引捌千柒百道每名添足叁
引以符壹百貳拾引爲一名之數名曰符引陝
屬照例應增貳千陸百零叁道入額引項下

凡餘引西安一府興商同華耀乾邠七州商領河東餘引儘銷售
報引無定額

西安府所屬高陵縣減額引壹千叁百壹拾捌道輪坐加增令

陝西能銷鹽地方作餘引行銷

邠州所屬長武縣改食花馬小池鹽照鳳課例增引行銷其原

額引陸百肆拾伍道并應增符引拾伍道輪坐加增令陝西能銷鹽地方作餘引行銷

課額

西鳳二府屬興商同華耀乾邠七州屬領河東引每引額徵課銀叁錢玖分捌釐陸絲壹忽伍微又每引徵紙價叁釐又每引徵賑濟鹽丁米價銀壹分貳釐內鳳屬及邠州所屬長武縣鹽非鹽丁撈採不徵米價以上二府十州共額徵課銀肆萬玖千肆百拾壹兩陸錢玖分捌釐零商人辦在河東運司交納

延安府屬榆林府所屬靖邊定邊二縣鄜州屬綏德州所屬清澗一縣領花馬大池引每引額徵課銀貳錢伍分陸釐漢中府屬認銷花馬大池引每引額徵課銀壹錢伍分以上二府一州三縣共額徵課銀柒千肆百叁拾陸兩肆錢在陝西藩庫交納

綏德州額銷鹽票每票徵銀陸分又共徵廩饌銀陸拾陸兩貳錢又補解不敷銀壹兩貳錢伍分零所屬米脂縣額銷鹽票每票徵銀陸分榆林縣所屬魚河堡額銷鹽票每票徵銀陸分又共徵廩饌銀貳百叁拾叁兩捌錢又加補銀叁兩以上一州一縣一堡共額徵稅銀壹千伍百肆拾肆兩壹錢陸分在陝西藩庫交納

各府州縣分輸課額

西安府屬額徵引課銀貳萬叁千伍百肆拾玖兩捌錢柒分伍釐零內長安縣額課貳千捌百拾叁兩叁錢陸分壹釐零咸寧縣額課叁千貳百肆拾伍兩肆錢貳分肆釐零咸陽縣額課玖百肆拾兩玖錢伍分肆釐零興平縣額課捌百貳拾陸兩壹錢貳分叁釐零臨潼縣額課壹千伍百陸拾玖兩陸錢叁分叁釐

零高陵縣額課柒百貳拾肆兩玖錢貳分貳釐零鄜縣額課柒
百壹拾玖兩伍錢伍分叁釐零藍田縣額課壹千貳百陸拾叁
兩玖錢陸分捌釐零涇陽縣額課貳千叁百貳拾柒兩壹錢捌
分捌釐零三原縣額課壹千肆百肆拾伍兩柒錢壹分伍釐零
盩厔縣額課壹千肆百叁拾伍兩叁錢捌分捌釐零渭南縣額
課叁千兩捌錢玖分壹釐零富平縣額課貳千壹百陸拾貳兩
柒錢玖分零醴泉縣額課壹千柒拾叁兩玖錢伍分玖釐零
延安府屬額徵引課銀壹千玖百玖拾兩零陸錢伍分陸釐內
膚施縣額課銀貳百貳拾壹兩壹錢捌分肆釐安塞縣額課貳
百伍拾捌兩肆分捌釐甘泉縣額課壹百捌拾肆兩叁錢貳分
安定縣額課貳百貳拾壹兩壹錢捌分肆釐保安縣額課貳百
伍拾捌兩肆分捌釐宜川縣額課叁百叁拾壹兩柒錢柒分陸

釐延川縣額課貳百玖拾肆兩玖錢壹分貳釐延長縣額課貳百貳拾壹兩壹錢捌分肆釐

鳳翔府屬額徵引課銀陸千伍百叁拾柒兩叁錢零內鳳翔縣額課陸百肆拾叁兩柒錢叁釐零岐山縣額課壹千貳百壹兩玖錢捌分壹釐零扶風縣額課貳千叁百叁拾壹兩叁錢柒分零郿縣額課柒百貳拾玖兩壹錢貳分玖釐零寶雞縣額課壹千叁百拾伍兩捌錢捌分貳釐零汧陽縣額課伍拾壹兩柒錢叁分陸釐零麟遊縣額課貳拾柒兩貳錢柒分貳釐零隴州額課貳百叁拾陸兩貳錢貳分叁釐零

按鳳課陸千伍百叁拾柒兩叁錢零現徵與額相符而七縣一州現輸定額照引核算鳳寶扶汧各有浮銀郿麟隴各有缺銀不知緣起今俱照額徵解報部

漢中府屬額徵引課銀叁千柒百伍拾兩內南鄭縣額課叁百

捌拾陸兩柒錢褒城縣額課貳百貳拾玖兩伍錢城固縣額課
陸百肆拾柒兩肆錢洋縣額課壹千叁百玖拾兩叁錢伍分西
鄉縣額課肆百伍拾壹兩貳錢鳳縣額課壹百壹拾兩柒錢寧
羗州額課壹百肆拾壹兩陸錢沔縣額課壹百陸拾柒兩肆錢
畧陽縣額課貳百貳拾伍兩壹錢伍分

榆林府屬額徵引課銀叁百陸拾捌兩陸錢肆分票稅廩饌銀
共柒百玖拾壹兩貳錢陸分玖釐零內靖邊縣額課壹百叁拾
陸兩玖錢陸分定邊縣額課貳百叁拾壹兩陸錢捌分榆林縣
所屬魚河堡額稅饌銀共柒百玖拾壹兩貳錢陸分玖釐零

饌銀舊在鹽課內支銷雍正十年改
支存留項下其鹽課銀兩解交司庫

興安州屬額徵引課銀捌百叁拾伍兩貳錢壹分零內額
課叁百伍拾兩貳錢柒分陸釐零平利縣額課肆兩壹錢叁分

零洵陽縣額課壹百陸拾伍兩貳錢貳分肆釐零白河縣肆兩玖錢伍分陸釐零紫陽縣肆拾壹兩叁錢陸釐零石泉縣壹百肆兩玖分壹釐零漢陰縣壹百陸拾伍兩貳錢貳分肆釐零商州屬額徵引課銀壹千壹百柒兩肆釐零內本州額課伍百叁拾陸兩玖錢柒分玖釐零鎮安縣額課壹百壹拾伍兩陸錢伍分柒釐零雒南縣額課貳百肆拾柒兩捌錢叁分陸釐零山陽縣額課壹百貳拾叁兩玖錢壹分捌釐零商南縣額課捌拾貳兩陸錢壹分貳釐零

同州屬額徵引課銀柒千柒百玖拾叁兩貳錢叁分壹釐零內本州額課壹千貳百叁拾玖兩壹錢捌分肆釐零朝邑縣額課貳千叁拾捌兩肆錢伍分捌釐零郃陽縣額課貳千壹百拾玖兩捌錢叁分壹釐零澄城縣額課壹千壹百伍拾陸兩伍錢柒

分貳釐零韓城縣額課壹千貳百叁拾玖兩壹錢捌分肆釐零
華州屬額徵引課銀伍千壹百陸拾叁兩陸錢捌分壹釐零內
本州額課壹千叁百拾玖兩叁錢壹分捌釐零華陰縣額課捌
百肆拾肆兩柒錢壹分零蒲城縣額課貳千玖百肆拾肆兩柒
錢壹分伍釐零潼關縣額課伍拾肆兩玖錢叁分柒釐零

耀州屬額徵引課銀玖百伍拾肆兩伍錢捌分伍釐零內本州
額課叁百肆拾陸兩伍錢伍分捌釐零同官縣額課壹百肆拾
肆兩伍錢柒分壹釐零白水縣額課肆百陸拾叁兩肆錢伍分
伍釐零

乾州屬額徵引課銀壹千玖百貳拾壹兩玖錢柒分伍釐零內
本州額課壹千壹百肆拾柒兩捌錢玖分柒釐零武功縣額課
陸百叁兩陸分玖釐零永壽縣額課壹百柒拾壹兩柒釐零

邠州屬額徵引課銀壹千伍百肆拾捌兩捌錢叁分叁釐零內
本州額課伍百陸拾伍兩肆錢捌分壹釐零三水縣額課貳百
肆拾柒兩捌錢叁分陸釐零淳化縣額課肆百壹拾叁兩陸分
壹釐零長武縣額課叁百貳拾貳兩肆錢伍分叁釐零

鄜州屬額徵引課銀壹千壹百肆拾貳兩柒錢捌分肆釐內本
州額課貳百玖拾肆兩玖錢壹分貳釐洛川縣額課肆百伍兩
伍錢肆釐中部縣額課貳百貳拾壹兩壹錢捌分肆釐宜君縣
額課貳百貳拾壹兩壹錢捌分肆釐

綏德州額徵票稅廩饌銀柒百伍拾貳兩捌錢玖分引課銀壹
百捌拾肆兩叁錢貳分內本州額稅饌銀共叁百叁拾叁兩捌
錢伍分零米脂縣額稅饌銀肆百壹拾玖兩肆分清澗縣額課
銀壹百捌拾肆兩叁錢貳分

按鹽課內舊給支廩饌銀兩雍正
十年仍歸鹽課項下解交司庫

凡雜課贍鹽火食西安等府原額贍鹽火食銀伍千叁百伍拾肆兩內西安府屬銀叁千捌百捌拾捌兩貳錢零鳳翔府屬銀柒百叁拾玖兩柒分零鳳翔千戶所貳拾柒兩肆錢伍分漢中府屬銀陸百壹拾兩貳錢捌分零又漢中各衛所銀捌拾玖兩陸分共銀伍千叁百伍拾肆兩零

扣錠商領河東引每引一名封納大課一錠重五十兩內除正課肆拾捌兩賑濟銀壹兩伍錢紙價銀叁錢陸分壹釐柒毫伍絲叁忽每錠多銀壹錢叁分捌釐貳毫肆絲柒忽合算名曰扣錠

官錢商辦河東引每引一名輸官錢銀拾壹兩

公務商辦河東引每引一名輸公務銀貳拾肆兩零捌分

餘引課西安一府興商同華耀乾邠七州行河東餘引儘收儘

解課無定額

公費商辦河東餘引輸官錢公務外又每引一名輸公費銀陸兩

以額作餘課西安府屬高陵縣核減引邠州屬長武縣原額引輪坐加增係以額作餘仍照額引徵解共課銀捌百壹拾兩捌錢叁分玖釐零

本朝歷年事例

大清會典陝西嵯法隸河東巡鹽御史其靈州大小二池等處就近司道兼理

順治二年河東巡鹽御史劉令尹

題明商辦引課內每引額徵賑濟鹽丁米價銀壹分貳釐零存留解部

按賑濟米價原爲額設撈採鹽丁而設同鹽課徵收自鹽歸商種丁不赴工始停支給存留解部唯鳳屬食花馬小池鹽原非鹽丁撈採不徵米價

順治三年陝西巡撫雷興

題稱明時西安等府有瑞府贍鹽火食銀伍千叁百伍拾肆兩零俱派自明末未載全書或蠲或徵奏請定奪部覆准照舊徵收留充兵餉

順治三年河東鹽務衙門

題明將官吏食鹽叁千貳百引爲更名食鹽變價解部內陝屬照例更定

順治五年五月河東巡鹽御史佟鳳彩

題稱花馬大池經制臣檢閱卷案明季鹽臣楊希旦題准大池每年辦課肆千兩又將漢中九屬原食解鹽改食大池認課貳千

兩迄今疊罹兵荒如照前額斷斷不能查大池之鹽先年通行西漢等六府原額課銀壹萬有餘後因解鹽壅塞割去四府止行延慶二府後又將延慶地方改食小池大池止行延安十三州縣靖邊十三營堡每年掣鹽不過三四千石得課銀四五百兩臣於是知該地鹽法大壞蓋已有年臣審時度勢每年先定掣鹽壹萬石每石給引壹道舊例該徵引價卧斗加增商利共銀壹錢伍分陸釐每年該辦銀壹千伍百陸拾兩每引外該紙價銀壹釐伍毫隨正課一同徵收應用引目先領伍萬道俟地方蕩平生齒漸繁再議增加至於漢中認銀貳千兩再行查認確數奏報部覆

准查花馬大池鹽課虧額太多應一面發引行鹽仍

勅督臣孟喬芳并取漢中認課確數

奏請定奪其辦引紙價當照長蘆等運司例每引叁釐解部辦硃
順治九年二月陝西總督孟喬芳

題稱花馬大池鹽法明末鹽路梗塞止行延屬十三州縣并靖邊
十三營堡又漢屬九州縣原食解鹽後改食大池歲額課銀貳
千兩坐引貳萬伍千道因漢距大池二千餘里商販不至無引
繳銷故議止辦課銀免其銷引前鹽臣佟鳳彩

題請大池經制內云每年先定掣鹽壹萬石該引壹萬道額課銀
壹千伍百陸拾兩至漢屬魯認課銀貳千兩但隔雲棧之險豈
能招商領引運鹽入漢此所以折納課銀誠不得已權宜之計
且今漢中久駐大兵運糧運草民力中乾合無仍照原議漢中
每年辦納課銀貳千兩延安一府併十三營堡歲徵課銀壹千
伍百陸拾兩暫爲一時經制俟地方大定再議擴充郡覆

准漢中鹽課每年認納課銀貳千兩查與舊額相符無容再議唯延安一府并十三營堡徵課銀壹千壹百陸拾兩較之舊額委屬太懸雖云俟地方大定再議擴充但

國課難以久虧仍

勅督臣轉行司道極力招商漸次足額

順治十二年河東巡鹽御史朱綬

題稱總督宣大軍門騰發

勅諭一欵內云各運司鹽課原應商人辦納中有每年派民納課而民不見升合之鹽者着運司詳加查核查河東解鹽例行三省並無派累包課情由惟鳳翔府屬明初原食河東解鹽招商辦課至萬曆四十一年因靈州小池私鹽越境禁緝不止前鹽院題准令鳳屬仍在河東納課領引自招商販赴小池支鹽我

朝因之但自流寇煽亂小池鹽井坍塌鳳民因路遠不能領鹽徒有納課之苦爲今之計欲除鳳民之累似應仍遵舊制招解池商認鳳翔課禁靈州鹽而行解池鹽自順治十三年起誠公私兩便經久可行之道也部覆

准查鳳翔所屬食小池鹽係萬曆年間所行之例我

朝定鼎十二年於茲課額不缺相應仍照定例不必紛更

順治十二年五月河東巡鹽御史朱紱

題稱花馬大池每歲額行延安府屬原額鹽引似不足用合無每歲於前額壹萬引外再酌增肆千肆百引每引照例辦課銀壹錢伍分陸釐派銷於食鹽不足之區庶

國課稍有增益部覆

准如議給發嗣後生齒漸繁漸次加增務足原額

順治十三年因兵餉不敷河東鹽務衙門增引拾萬道十六年

將所增拾萬新引減去應徵課銀加於舊額引價之中陝屬一

府七州照例派增

原課額以叁錢貳分爲率攤入新引課銀叁萬貳千每引加課柒分捌釐零共核每引課

銀叁錢貳分捌釐零

順治十五年量加鹽課以佐軍需河東鹽務衙門每引加銀伍

分陝屬一府七州照例增加

康熙二年

題明馬湖峪三眼泉永樂倉三處票稅銀盡充兵餉每年一并奏

銷

康熙二年十二月河東巡鹽御史季振宜爲遵

旨會議奏銷錢糧

題稱戶部行查馬湖峪鹽課與部額不符一案查馬湖峪等三處

原額鹽鍋共捌百陸拾壹面零每面額票稅銀壹兩肆錢肆分
共額銀壹千貳百肆拾兩壹錢陸分見今荒票稅銀壹百柒拾
兩貳錢肆分寔止熟活鍋票稅壹千陸拾玖兩玖錢貳分此外
另有原額廩生成熟饌銀叁百兩內除奉文支給銀壹百兩裁
貳充餉銀貳百兩以上熟鍋票稅與裁貳銀兩合計共壹千貳
百陸拾玖兩玖錢貳分並未多餘部覆查馬湖峪等處原案今
疏內所稱荒票稅銀壹百柒拾兩零原未題明蠲除應令該御
史確查報部

康熙四年六月續據巡鹽御史覆稱馬湖峪除荒一案查故明
萬曆年間馬湖峪原額鹽鍋票稅銀共壹千貳百肆拾兩壹錢
陸分內米脂縣額銀肆百壹拾玖兩肆分今俱全熟無欠緩德
州該額銀貳百陸拾陸兩肆錢故明寇亂人逃稅銀難完業經

蠲除自順治六年起始復舊額銀貳百壹拾叁兩壹錢貳分下
剩荒銀伍拾叁兩貳錢捌分無人承認魚河堡額銀伍百伍拾
肆兩柒錢貳分故明地被水渰課無解徵曾經蠲豁

定鼎以後漸復舊額銀肆百叁拾柒兩柒錢陸分下剩荒銀壹百壹
拾玖兩玖錢陸分地渰人逃無憑徵解以上三項共合見納稅
銀壹千陸拾玖兩玖錢貳分之數尚該荒票銀壹百柒拾兩貳
錢肆分的係故明缺額今未全復部覆

准查馬湖峪荒票稅銀順治十二年起至十八年止共缺額票稅銀
壹千伍百玖拾陸兩玖錢陸分缺額已久相應免其追徵康熙
元年起每年該找銀壹百柒拾兩貳錢肆分限文到一年內徵
完報部其廩生饌銀叁百兩今已盡充兵餉每年一併行銷
康熙十二年河東巡鹽御史何元英疏稱鳳屬改食靈鹽小民

便於食私因而願賠額課康熙七年招商往運靈池並無支發
鳳屬之鹽有課無鹽終爲民累請

旨飭部議覆部覆仍照舊例

康熙十七年河東鹽務衙門按引加課七分陝屬一府七州照
例增加

康熙十七年科臣余國柱疏請遇閏增課平鹺政以佐軍需本
年閏三月核加閏引十九年有閏照加陝屬一府七州遵例派
加閏引二十一年

恩詔停免

康熙十八年陝西道御史傅廷俊疏稱商引之歲額有限竊鹽
之歲產無窮請

勅清查酌加山陝二屬商引西安府屬按丁加引貳萬貳千玖百陸

十七道按引加課

康熙十八年部頒定花馬大池行鹽地方每引加增銀七分本年又照綱引每引量加銀叁分合原額每引共課銀貳錢伍分

陸釐

按漢中府屬係認銷花馬大池引額課每引壹錢伍分不在增加例內

康熙二十四年巡鹽御史李時謙

題准河東鹽法除伍分加增課二十八年除七分加增課仍照順治十三年定額止納課叁錢玖分捌釐零陝屬一府七州一體遵行

康熙二十九年巡鹽御史索里

題定慶陽鹽課歸甘肅巡撫就近管轄其延漢二府仍屬河東巡鹽御史兼轄收課由州縣冊報西安藩司奏報不由河東鹽運

司

雍正三年川陝總督帶管鹽務年羹堯

題明請領餘引拾萬道接濟額引不敷之州縣行銷陝屬一府七州儘領儘銷引無定額

雍正三年川陝總督年羹堯

題准漢中府屬改食花馬小池鹽仍認銷花馬大池引

雍正三年川陝總督帶管鹽務年羹堯

題定于商辦額引加增引項下每引一名收官錢銀拾壹兩收公務銀貳拾肆兩零捌分合算以伍萬兩充餉餘作公用陝屬一

府七州照例遵行

按河東鹽務衙門向有河工銅筋水脚等名色今俱裁革唯收官錢公務二項經巡鹽御史馬喀定有公務欸冊逐數開明歲日運司遵照文給肅抄造冊呈巡鹽御史報銷

雍正三年巡鹽御史馬塔

題請每袋明加耗鹽貳拾觔今河東掣鹽每袋裝鹽壹百貳拾觔兩袋共貳百肆拾觔禁門掣掣陝屬一府七州領鹽一體遵照行銷

雍正六年河東鹽務衙門增餘引貳萬道七年又增餘引叁萬道陝屬一府七州遵例派加儘領儘銷引無定額

雍正六年巡鹽御史碩色

題奏加增引課銀亦照額課每名徵收大錠五十兩陝屬一府七

州一體遵行

按舊例商人領加增引每八引爲一把合十五把爲一名封課四十六兩二錢四分五釐零比額課每名少銀三兩七錢五分四釐零今遵照額引一體徵收

雍正六年河東巡鹽御史碩色

題明商辦引課每名納大課一錠內除正課賑濟紙價外每錠多銀壹錢叁分捌釐零合算名曰扣錠歸公充餉

雍正七年奉

旨按年銷引停止通融雍正八年巡鹽御史碩色奏請自雍正八年爲始如雍正七年之引至雍正八年六月內清查奏銷十月解部部議應如該御史所請著爲定例奉

旨依議陝屬一體遵行

雍正七年部頒引捌千七百道因河東舊例每名揭存叁引爲解安引以壹百壹拾柒引而支壹百貳拾引之鹽今每名添足叁引以符壹百貳拾引爲一名之數陝屬一府七州照例增添雍正八年河東巡鹽御史碩色於請墾荒畦案內

題稱河東行鹽定額其間有額銷不敷州縣詳請餘引以濟民食

是有餘引必有餘鹽乃可經久行銷部議應如該鹽政所請將河東所開無商荒畦出產鹽觔於雍正八年爲始在於添發餘引內搭配行銷辦課可也奉

旨依議陝屬一府七州照例行銷

雍正八年

題明邠州所屬長武縣照鳳課例改食小池鹽仍銷河東引增額引捌百肆道其原額陸百陸拾引輪坐加增令陝省能銷鹽州縣作餘引行銷

雍正八年於遵

旨查議案內西安府所屬高陵縣減額引壹千叁百壹拾捌道輪坐加增令陝省能銷鹽州縣作餘引行銷

歷代鹽法

鹽鐵之利二十倍於古

漢書食貨志

朔方郡朔方金連鹽澤青鹽澤皆在南沃野有鹽官○上郡龜茲

屬國都尉治有鹽官○西河郡富昌有鹽官○北地郡弋居有鹽

官○五原郡城宜中部都尉治原高西部都尉治田辟有鹽官

漢書

地理志

宣帝時蓮勺縣有鹽池縱橫十餘里其鄉人名爲鹵中

漢書宣帝本紀

武帝徙貧民關以西及充朔方以南新秦中七十餘萬口衣食皆仰

給縣官於是縣官大空而富商大賈或蹠財役貧治鑄煮鹽財或

累萬金而不佐國家之急○大農上鹽鐵丞孔僅咸陽言山海天

地之藏皆宜屬少府陛下不私以屬大農佐賦願募民自給費用

官器作者煮鹽官與牢盆浮食奇民欲擅管山海之貨以致富羨役

利細民其沮事之議不可勝聽敢私鑄鐵器煮鹽者鈇左趾沒入

其器物史記平準書

獻帝建安初關中百姓流入荊州者十餘萬家及聞本土安寧皆企望思歸而無以自業於是衛顗議為鹽者國之大寶自喪亂以來放散今宜如舊置使者監賣以其直益市犂牛百姓歸者以供給之勤耕積粟以豐殖關中遠者聞之必多競還於是魏武遣謁者

僕射監鹽官移司隸校尉居弘農流人果還關中豐實

晉書食貨志

魏嘉平四年關中饑宣帝表興京兆鹽池以益軍實

晉書食貨志

唐京兆府京兆郡富平有鹽池澤○同州馮翊郡朝邑小池有鹽奉

先有鹵池二大中二年其一生鹽○華州華陰郡櫟陽有煮鹽澤

○鹽州五原郡土貢鹽○夏州朔方郡朔方有鹽池二

唐書地理志

○

鹽池皆隸度支蒲州安邑解縣有池五總曰兩池歲得鹽萬斛以

供京師鹽州五原有烏池白池瓦池細項池安北都護府有湖落

池歲得鹽萬四千斛以給振武天德

食貨志

○鮮鹽之行於陝西者

柳宗元言西出秦隴崔敖言西距隴坂

河東鹽法志

順宗永貞元年十一月度支奏以兩車輦不通京師鹽貴請糴出貯

庫鹽二萬石

冊府元龜

憲宗元和五年五月度支奏鄜坊邠寧諸軍將士等請同當處百姓

例食烏白兩池鹽從之

冊府元龜

○元和六年閏十二月戶部侍郎判

度支盧坦奏河中兩池顯鹽勅文只許于京畿鳳翔等州界內糴

賃比來因循兼越興鳳等六州臣移牒勘責得山南西道觀察使

報其果閬兩州鹽本土戶人及巴南諸郡市糴又供當軍士馬尚

有懸欠若兼數州自然闕絕又得興元府諸耆老狀申訴臣今商

量河中鹽請放入六州界糴賃從之

舊唐書食貨志

文宗時奉天鹵池生水柏以灰一斛得鹽十二觔利倍鹺鹵因是盜

采灰一斗比鹽一斤論罪

唐書食貨志

○太和二年三月丁巳朔度支

奏京兆府奉先縣鹵池側近阪泊池并有水柏柴燒作灰煎鹽等臣勘案先據兩池權鹽使申長慶三年二月十五日于奉先縣界捉獲水柏柴灰四十石六斗二升數內取一石煎得鹽一十二斤一兩使司恐是盜刮鹵土妄稱是水柏柴灰重收採水柏柴三十斤燒得灰二斗二升煎得鹽二斤一十二兩緣從前未有明勅禁斷百姓故有抵犯伏以柏柴灰比魯煎試比類鹵土煎鹽所收鹽分數較多其鹵土有勅條禁止其水柏柴灰亂法甚於鹵土不可因循臣今商量從今以後捉獲盜採水柏柴灰重一十二斤卽計鹽一斤犯灰一斗卽計鹽一斤四兩並準兩池例八斤計折同犯刮鹵土煎鹽節級科罰所與鹽法齊一權課免虧從之

冊府元龜

僖宗光啟元年官官田令孜請以二池領屬鹽鐵佐軍食河東節度

使王重榮固爭乃徙重榮充海節度使重榮不奉詔令攷遣朱玫

進討戰於沙苑敗績帝幸鳳翔

鹽政彙纂

秦鳳以東皆食解鹽至道中陝西食顆鹽者則京兆鳳翔府同華

耀乾商邠寧儀渭廊坊丹延秦隴鳳州保安軍安邑解池通商陝

西顆末鹽皆以五斤爲斗顆鹽之直每斤自四十四至三十四錢

有三等凡通商州軍在陝西者爲西鹽

河東鹽法志

太宗時鄭文寶建議以爲銀夏之地千里不毛但以販青白鹽爲命

請禁之許商人販安邑解縣兩池鹽於陝西以濟民食官獲其利

而戎益困乃詔自陝以西有敢私市者皆抵死募告者差定其罪

行之數月犯者益衆關隴民無鹽以食境上騷擾上知其事遣知

制誥錢若水馳傳視之悉除其禁令諸族撫諭之乃定

宋史鄭文寶傳

真宗時陝西轉運使張象中言安邑縣兩池鹽見貯三億餘萬斤尚

虞遺利請申條約帝曰過求羨餘當慮有時而闕不許

隆平集

○咸

平中度支使梁鼎言陝西沿邊解鹽請勿通商官自鬻之詔以鼎爲陝西制置使又以內殿崇班杜承睿同制置陝西青白鹽事承睿言鄜延等州泊禁青鹽之後令商人入芻粟運解鹽於邊貨鬻其直與青鹽不至相懸是以民食賤鹽湏至畏法而蕃部青鹽難售今聞運解鹽於邊欲與內地同價邊民必冒法圖利却入蕃界私販青鹽是助邊資而結民怨矣繼又有上疏言其不便者鼎請候至邊部幹運及乘傳至解池卽禁土商販旋運鹽赴邊公私大有煩費而邊民頓無入市物論紛擾於是命判鹽鐵勾院林特知求興軍張永詳議以爲公私非便請復舊商販詔切責鼎罷度支使○咸平以來聽商人輦鹽過河西麟府州濁輪若貿易官爲下

其價予之

宋史食貨志

仁宗天聖四年五月復陝西永豐渠以通解鹽

宋史仁宗本紀

○天聖八年

上書者言陝西禁鹽得利微而爲害博兩池積鹽爲阜其上生木

合抱數莫可校請聽通商平估以售可寬百姓之力乃詔罷三京

二十八軍州榷法聽商賈入錢若金銀京師榷貨務受鹽兩池自

是商賈流行

文獻通考

○天聖以來兩池通商州軍並邊秦延保安募

人入中芻粟以鹽償之○陝西亦有鬻鹺爲鹽者然其利薄明道

初詔廢河中府鹺場禁民鬻鹽以侵池鹽之利○康定元年淮南

提點刑獄郭維言川峽素不產銀而募人以銀易鹽又鹽酒場主

者以銀折歲課故販者趨京師及陝西市銀以歸而官得銀復輦

至京師公私勞費請聽入銀京師榷貨務或陝西並邊州軍給券

受鹽於川峽詔行之既而入銀陝西者少議鹽百斤加二十斤予

之並募入中鳳翔永興會西方用兵又召入芻粟並邊商賈利之

西方既無事猶入中如故夔州轉運使蔣賁以爲入中十餘年虛費夔鹽計直二十餘萬緡今陝西用池鹽之利軍儲有備請如初詔許之○慶曆二年禁求興同華耀州軍商鹽官自輦運以衙前主之又禁商鹽私入蜀置折博務於求興鳳翔聽人入錢若蜀貨易鹽趨蜀中以售久之兵民輦運不勝其苦州郡騷然所得鹽利不足以佐縣官之急並邊務誘人入中芻粟皆爲虛估大耗京師錢幣太常博士范祥閔中人也熟其利害常謂兩池之利甚博而不能少助邊計者公私侵漁之害也倘一變法歲可省度支緡錢數十百萬乃畫策以獻是時韓琦爲樞密副使與知制誥田況皆請用祥策○四年詔祥馳傳與陝西都轉運使程戡議之而勘議與祥不合祥尋亦遭喪去○八年祥復申其說乃以祥爲陝西提點刑獄兼制置解鹽事使推行之其法舊禁鹽地一切通商聽鹽

入蜀罷九州軍入中芻粟令入實錢償以鹽視入錢州軍遠近及所指東西南鹽第優其值東南鹽又聽入錢求興鳳翔授以要券卽池驗券按數而出盡弛兵民輦運之役又以延慶保安地近烏白池奸人私以青白鹽入塞侵利亂法乃募人入中池鹽予券優其估還以池鹽償之以所入鹽官自出鬻禁人私售峻青白鹽之禁行之數年黠商貪賈無所僥倖關中之民得安其業公私便之○皇祐元年侍御史知雜何郯復言改法非是明年遣三司戶部副使包拯馳視還言行之便田況爲三司使請久任祥俾專其事擢祥權陝西轉運使○至和元年命轉運使李恭代之並邊復聽入芻粟以當實錢而虛估之弊滋長券值亦從而賤○嘉祐三年三司使張方平及包拯請復用祥于是復以祥總鹽事朱史食貨志○陝西路顆鹽有定課歲爲錢二百三十萬緡舊法官自搬運置務

拘賣兵部員外郎范祥始爲鈔法令商人就邊郡入錢四貫八百
售一鈔至解池請鹽二百斤任其私賣得錢以實塞下省數十郡
搬運之勞異日輦車牛驢以鹽役死者歲以萬計冒禁抵罪者不
可勝數至此始免行之既久鹽價時有低昂又於京師置都鹽院
陝西轉運司自遣官主之使鹽價有常而鈔法有定數行之數十
年夢溪筆談至今以爲利也○韓琦以陝西解鹽自改法以來議者多
以爲不便唯太常博士范祥所論最爲精密公請令祥與三司講
經久之利朝廷遂遣三司副使魚周詢同祥至陝西相度利害周
詢還具言祥法可行三司亦請如祥議轉運司言恐失范宗傑前
所得之課公言宗傑前法官自鬻而吏苦輦載之役於邊儲無補
祥之新法使商旅入緡于沿邊而得鹽沿邊芻糧以見錢而糴不
勞民而其利溥願必行之時議者雖未一而其後卒用祥法
韓忠獻家

傳

○殿中侍御史趙祐嘗鞠獄陝西既畢以其道所見利疚聞凡切於事者六其五陝西榷鹽較通商時民不爲便祐言始改法盡收客鹽官買之已盡則必配民輦致或衙前督運多破產又戶無高下給食曆貧食圭撮官不圭撮買爲病請通商如舊其六陝西令戶運糧至延州保安軍又不許飛腳齎貨就糴其地祐言陝號以西米斗錢五百五六百此但輸直以五六穀價臣聞沿邊入粟甚耗中都錢今解鹽以席計猶四百萬請入粟皆償鹽且稍潤之則遠民紓中都實事多施行雞肋集○元昊聚兵西鄙並邊入中蜀粟者寡縣官急於兵食調發不足因聽入中蜀粟子券趨京師權貨務受錢若金銀入中他貨予以池鹽由是羽毛筋角膠漆鐵炭瓦木之類一切以鹽易之猾商貪吏表裡爲奸至入椽木二估錢千給鹽一大席爲鹽二百二十斤虛費池鹽不可勝計鹽直益賤

販者不行公私無費○青白鹽出烏白兩池西羌擅其利自李繼遷判禁毋入塞未幾罷已而復禁乾興初嘗詔河東邊人犯青白鹽禁者如陝西法慶曆中元昊納款歲請入十萬石售縣官仁宗以其亂法不許自范祥議禁八州軍商鹽重青白鹽禁而官鹽估貴土人及蕃部販青白鹽者益衆往往犯法抵死而莫肯止至和中詔蕃部犯青白鹽抵死者止投海島群黨爲民害者上請嘉祐赦書稍遷配徙者於近地自是禁法稍寬食貨志○包拯言臣奉勅差往陝西與轉運司并范祥面議鹽法利害緣臣前任本路轉運使備知前來鹽法自慶曆二年因范宗傑擘畫禁榷之後差役兵士車牛及逐州衙前等搬運鹽席往諸州官自置場出賣以致兵士逃亡死損公人破蕩家業比比皆是所不忍聞其衙前估計家業每直一貫者卽管認搬鹽兩席雖家業已竭而鹽數未足嗟怨

之聲盈於道路前後臣僚累言不便乞復舊法通商以救關中凋
弊有司執議終不施行昨因范祥再有啟請蕪葉清臣曾知永興
軍見其爲患之甚因乞依范祥擘畫用通商舊法令客人於沿邊
入納見錢收糴軍糧免虛擡貴價入中斛斗於權債務大支官錢
兼寬得諸般差役勞擾此乃於國有利於民無害理甚灼然乞朝
廷詳酌指揮又言臣近奉勅差往陝西相度鹽法自入陝西界沿
路訪聞民間恐朝廷改法頗甚憂畏蓋以前來禁權之後差役人
力搬運鹽席不堪其苦臣因諭以朝辭日面奉德音所議鹽法只
要使人况聖上卹念關中生靈必不忍重困人力群情無不感悅
臣今與本路轉運及制置解鹽司同議且乞依新法施行蕪爲客
人疑惑未肯入中已牒逐司告示訖其有未便事件雖有減損解
不虧官委是公私利便陝西自有解鹽之利若盡以付與今

糧草一二年後可全減權債務每歲見錢銀絹等五千七百萬

包孝肅奏議○皇祐二年復入錢京師法視舊錢數稍增予鹽而并邊

入中先得券受鹽者河東陝西入芻粟直錢十萬止給鹽直七萬

○皇祐中權罷西監鬻鹽時議者請募商人入芻粟麟府州火山

軍子券償以鹽從之

食貨志

神宗熙寧初總鹽事范祥卒以轉運副使薛向繼之詔淮南轉運使

張靖究陝西鹽馬得失靖指向欺隱狀王安石右向靖竟得罪擢

向為江淮等路發運使諫官范純仁言賞罰失當因數向五罪向

任如初乃請即永興軍置賣鹽場又以邊費錢十萬緡儲永興軍

為鹽鈔本繼又增二十萬

宋史食貨志

○熙寧中以求興鳳翔等二十

五州為陝西入納糧草交引地分

河東鹽法志

○熙寧七年中書議陝

西鹽鈔多出虛鈔而鹽益輕以鈔折兌糧草有虛抬邊糴之患請

用交子法使其數與見錢相當可濟緩急詔以皮公弼熊本宋迪分領其事趙瞻制置又以内藏錢二百萬緡假三司遣市易吏行四路請買鹽引仍令秦鳳永興鹽鈔歲以百八十萬爲額○熙寧八年大理寺丞張景溫提舉解鹽皆官自賣未幾復用商人議以商金通商同華令提舉解鹽司運鹽偵鬻鹽價既增民不肯買乃課民買官鹽於是民間騷怨召陝西轉運司皮公弼入議公弼極言官賣不便於是同華陝府聽通商其入不及官賣者官復自賣○元豐元年三司戶部副使陳安石爲河東都轉運使安石請犯西北青白鹽者以皇祐敕論罪首從皆編配又青白入河東犯者罪至流所歷官司不察者罪之

食貨志

哲宗元祐元年戶部及陝西制置解鹽司議延原保安等八州軍禁權官自鬻以萬五千五百席爲額聽商旅入納於八州軍折博

務算給交引一如范祥舊法其出賣鹽錢以給轉運司糴買從之

文獻通考

○陝西民多以朴硝私煉成顆謂之倒硝頗與解鹽相亂紹

聖三年制置使孫路以聞詔犯者減私鹽法一等坐之○元符元

年末興軍櫟陽涇縣同華等州軍官仍自賣鹽而禁官司於折博

務買解鹽販易規利俄以水壞解池聽同華等州私土鹽鬻於本

路

宋史
貨志

徽宗崇寧元年蔡京議更鹽法陝西鹽鈔毋得下五千五百私減者

坐徒徙之罪○蔡京建言末鹽施行未久收息及二百萬緡如通

至陝西其利必倍議遣韓敦立等分路提舉○崇寧二年利洋興

漢興元府等州並通行東北鹽○鹽鈔法之行積鹽於解池積錢

於京師權貨務積鈔於陝西沿邊諸郡商賈以物斛至邊入中請

鈔以歸物斛至邊有數倍之息惟患無回貨故極利於得鈔徑請

鹽於解池而解鹽通行地甚寬或請錢於京師每鈔六千二百登時給與但輸頭子等錢數十而已崇寧間蔡京始變法俾商人先輸錢請鈔赴產鹽郡授鹽鈔法遂廢商賈不通邊儲失備○崇寧四年詔陝西舊鈔易東南末鹽每百緡用見錢三分舊鈔七分

宋史食貨

志

孝宗淳熙十一年以京西轉運副使江溥言金州帥司置場拘賣商鹽高價科賣致商旅坐困民食貴鹽詔金州依法聽商人從便買賣不得置場拘攅

宋史食貨志

光宗紹熙時楊輔爲總計請罷利州西路興州鹽店

宋史食貨志

金

主亮貞元初蔡松年爲戶部尚書始復鈔引法鈔合鹽司簿之符

引會司縣批繳之數七年一釐革之解鹽觔二百有五十爲一席席五爲套鈔引則與陝西路轉運司同鬻其輸粟於陝西軍營者

許以公牒易鈔引

河東鹽法志

世宗大定二十五年令解鹽行陝西

續文獻通考

章宗泰和元年十一月陝西路轉運使高汝礪言舊制捕告私鹽者計斤給賞錢皆徵於犯人然監官獲之則充正課巡捕官則不賞巡捕軍則減常人之半免役弓手又半之是罪同而賞異也乞以司縣巡捕官不賞之數及巡捕弓手所減者皆徵以入官則罪賞均矣詔從之

金史食貨志

宣宗貞祐四年七月烏古論慶壽言鹽乃官物有司陸運至河復以舟達京兆鳳翔以與商人貿易而陝西行部每石復邀糴二斗是官物而自糴也乞彼此一聽民便則公私皆濟上從之○興定二年盧進建言綏德之嗣武城義合克戎寨近河地多產鹽請設鹽場管勾一員歲獲十三萬餘斤可輸錢二萬貫以佐軍三年詔用

其言設官鬻鹽給邊

金史食貨志

○興定三年三月詔運解鹽入陝西

以濟調度命胥鼎兼領其事

金史宣宗本紀

○興定三年四月罷募民運

解鹽入陝西

續文獻通考

○興定四年李復亨言以河中西岸解鹽舊

所易粟麥萬七千石充關東之用尋命解鹽不得通陝西以北方

有警河禁方急也

金史食貨志

元

世祖中統二年初立陝西轉運司仍置解鹽司於路村

元史食貨志

○

中統四年以解鹽引一萬五千道和中陝西軍儲

續文獻通考

○至元

三年諭陝西以所辦鹽課赴行制國用使司輸納鹽引令制國用

使司給降○四年立陝西轉運司

元史食貨志

○至元十七年十一月

丁卯詔陝西諸場增撥竈戶

世祖本紀

○至元二十三年改立陝西都

轉運司兼辦鹽酒醋竹等課○至元二十九年減大都鹽課一萬

引入京兆鹽司添辦是年五月又革京兆鹽司一止存鹽運司

志

成宗元貞元年陝西行省增羨鹽鈔一萬二千五百餘錠○大德元

年免陝西鹽戶差稅

續文獻通考

○大德二年六月壬戌申嚴陝西運

司私鹽之禁

元史成宗本紀

仁宗皇慶四年解州鹽池爲水所壞命懷孟等處食陝西紅鹽後以

地遠改食滄鹽而仍輸課陝西民不堪命免之

續文獻通考

○延祐三

年以池爲雨所壞陝西之民改食常仁紅鹽五年免今歲陝西鹽

課○延祐六年改陝西運司爲河東解鹽等處都轉運鹽使司直

隸中書省十月罷陝西行省所委巡鹽官六十八員添設通判一

員別鑄分司印二

元史食貨志

順帝至元二年九月御史臺准陝西行臺咨備監察御史帖木兒不

花建言近蒙委巡歷奉元東道至元元年各州縣戶口額辦鹽課

其陝西運司官不思轉運之方每年預期差人分道賫引遍散州縣甫及旬月杖限追鈔不問民之無有竊照運司之例皆運官召商發賣惟陝西等處鹽司近年散於民戶且如陝西行省食鹽之戶該辦課二十萬三千一百六十四錠有餘於內鞏昌延安等處認定課鈔一萬六千二百七十一錠慶陽環州鳳翔興元等處歲辦課一萬七千九百八十五錠其餘課鈔先因關陝旱饑民多流亡准中書省咨至順三年鹽課十分爲率減免四分於今三載尚有虧負蓋因戶口凋殘十亡八九縱或有復業者家產已空邇來歲頗豐收而物價甚賤得鈔爲艱本司官皆勒有司徵辦無分高下一槩給散少者不下二三引每一引收價三錠富家無以應辦貧下安能措畫糶終歲之糧不酬一引之價緩則輸息而借貸急則典鬻妻子縱引日到手力窘不能裝運止從各處鹽商勒價收

買舊債未償新引又至民力有限官賦無窮又寧夏所產韋紅鹽池不辦課程除鞏昌等處循例認納乾課從便食用外其池隣接陝西環州百餘里紅鹽味甘而價賤解鹽味苦而價貴百姓私相販易不可禁約以此參詳河東鹽池除撈鹽戶口食鹽外辦課引數今後宜從運官設法募商興販但遇行鹽之處諸人毋得侵擾韋紅鹽法運司每歲分輪官吏監視聽民採取立法抽分依例發賣每引收價鈔三錠自黃河以西從民食用通辦運司元額課鈔因時夾帶至黃河東南者同私鹽法罪之陝西興販解鹽者不禁如此庶望官民兩便而課亦無虧矣又據陝西漢中道肅政廉訪使胡通奉所陳云陝西百姓許食解鹽近流移漸復正宜安輯而鹽吏不察民瘼止以恢辦爲名不論貧富散引收課或納錢入官動經歲月猶未得鹽蓋因地遠脚力艱澁今後若令大河以東之

民分定課程買食解鹽其以西之民計口攤課任食韋紅之鹽則官不被擾民無蕩產之禍矣且解鹽結之於風韋紅之鹽產之於地東鹽味苦西鹽味甘又豈肯舍美而就惡乎使陝西百姓一槩均攤解鹽之課令食韋紅之鹽則鹽吏免巡禁之勞而民亦受惠矣本臺詳所言鹽法宜從省部定擬具呈中書省送戶部議之本部議云陝西行臺所言鹽事宜從都省選官前赴陝西與行省行臺及河東運司官一同講究是否便益明白咨呈三年都省移咨陝西行省仍摘委河東運司正官一員赴省一同再行講究三月初二日陝西行省官及李御史運司同知郝中順會鞏昌延安興元奉元鳳翔邠州等官與總帥汪通議等俱稱當從御史帖木兒不花及薦使胡通奉所言限以黃河爲界令陝西之民從便食用韋紅二鹽解鹽依舊西行紅鹽不許東渡其咸寧長安錄事司三

處未散者依已散州縣一體斟酌認納乾課與運司已散食鹽引價同見納乾課辦鈔七萬錠通行按季輸納運司不須散引則民不受害而課亦無虧郝同知獨言運司每歲辦課四十五萬錠陝西該辦二十萬錠今止認七萬錠餘十三萬錠從何處恢辦議不合而散本省檢照運司逐年申報文冊陝西止辦七萬三千六十餘錠郝遂稱疾不出其後訖無定論戶部參照至順二年中書省嘗遣兵部郎中井朝散與陝西行省官一同講究以涇州白家河永爲定界聽民食用仍督所在軍民官嚴行禁約毋致帑紅二鹽犯禁侵課中書如所擬行之

元史食貨志

明太祖洪武間河東行鹽地方屬陝西者西安漢中延安鳳翔四府

鹽政彙纂

○靈州花馬池二池之鹽自來不費人力煎熬下秋晴暖水

面皚皚如雲如霜隨取隨足

何孟春鹽法疏

英宗正統三年奏准召商納馬中鹽支給不敷者河東陝西運司於

廣東海北鹽運司兌支

世法錄

代宗景泰三年奏准陝西運司鹽課提舉司年終類解但開客商某

於某年月日支出官鹽若干發賣某行鹽地方及某月日繳到及已繳若干未繳若干其有沉匿在庫通同庫役人等轉賣影射私

鹽者照私鹽榜例問罪

續文獻通考

憲宗成化九年差御史一員巡視河東運司并陝西靈州大小二池

鹽課其陝西所屬關內關南關西河西等道各分巡官帶管鹽法

者悉聽節制

鹽政彙纂

○成化十七年奏准西安府人民不許與販靈

州鹽課

世法錄

○成化二十一年閏四月以山陝饑甚廣開納中鹽

例

明會典

武宗正德間因延綏邊費不貲戶部議將河東鹽引增作五錢

鹽政彙纂

○正德八年令陝西巡撫等官今後不許指以戶鹽名目不候本部奏有明文輒便開中如違聽本部并巡鹽御史奏治

續文獻通考

世宗嘉靖四年令陝西各府州縣衛所將河東行鹽地方翻刊大字

告示張掛曉諭但遇客商將官鹽越境貨賣及奸人興販本地自

煎私鹽查照律例從重問發

明會典

○嘉靖八年議准大池增三萬

三千六百二十六引每引二錢五分卧引銀一錢

鹽政彙纂

○嘉靖九

年令延綏西路及寧夏管糧僉事分管靈州大小二池

明會典

○嘉

靖十三年二月戶部題該戶科都給事中管懷理等題為議處邊

儲事臣等竊惟國初設立鹽法專為邊儲故使之入粟歸邊下場

支鹽官無科取商獲重利不費轉輸而邊倉積實謂之飛輓今則

開中不時米價湧貴而易糴之難勢豪大家賣窩買窩而報中之

難官司科罰吏胥浸漁而輸納之難定價太高反過本直而取利

之難及至給引下場又被官吏留難棍徒轄害挨單守支動以數
年而支掣之難至於行鹽地方私鹽盛行民皆買賤官鹽又復壅
滯而發賣之難有此六難故商人有傾家蕩產妻子不相見者矣
商人離親戚棄墳墓備資本出於千里之外非以重義也惟以計
生息之利以資身家耳今求利未得而害反隨之欲望正課之行
豈可得乎正課不行私鹽自盛議者不得已而權爲區處乃設餘
鹽之例如兩淮報中正鹽一引許帶餘鹽二引正鹽在邊納粟餘
鹽在場納價故商人猶肯一二報中甘受正鹽之害以趨餘鹽之
利殊不知餘鹽一行雖每歲易銀百數十萬兩而無益邊儲則猶
徒也鹽法何自而行乎臣等以爲今欲通鹽法須先處餘鹽必多
減正價大抵正鹽賤則私販自息私販息則正鹽自行此不易之
定論也今雖不可知而祖宗時八分二斗之制宜斟酌開中每正

鹽一引定價五錢或四錢餘鹽一引定價二錢五分或二錢俱令在邊照時上納粟米料豆草束每年差給事中或御史一員赴邊赴時開中禁革一應買窩占中等弊正鹽給與引目餘鹽給與小票正鹽下場支給餘鹽徑自收買正鹽一引許中餘鹽三四引或五六引務以盡收竈丁餘鹽爲止若或未盡再添一二倍亦無不可如此正鹽價輕既有以利乎商人餘鹽盡收又有以利乎貧竈國課不集而自足私鹽不禁而自止邊儲日見富厚糧餉日見充積可不動內帑而用無不裕矣

圖書編
屯鹽議

○嘉靖三十四年奏准陝

西行鹽地方每鹽二百斤爲一引每引收銀四錢五分一切掛號截角支放其收貯銀兩於年終解送花馬池管糧衙門交收專備

防秋兵馬支用

明會典

○嘉靖三十五年題准將二池鹽每引定價

四錢鹽八石額課新增三七掣支餘鹽銀二錢五分收納

鹽政彙纂

穆宗隆慶元年題准將大小二池納價餘鹽等銀聽延寧二鎮客兵

支用

明會典

○隆慶二年山西巡鹽趙睿條奏河東課少利微宜定

議陝西延鳳所屬法禁久弛退引多繳者比照折直會選富民為

積鹽鋪戶聽其承買轉販所至地方官仍查覆引目戶部覆奏從

之

河東鹽志

○隆慶四年議准河東運司延安府地方改食池鹽邠

隴汧永麟遊五處仍食解鹽

世法錄

○漢中延安二府改食池鹽

河東

鹽志

○西延鳳漢明初均食解鹽因宋至道之舊制隆慶四年延

安始改食靈鹽嗣雖漢中改食大池而關南西夏相隔雲棧粒鹽

未往空包課累明末鳳翔亦改小池定例仍銷河東之額引○隆

慶五年題准花馬大小二池鹽每引照鹽八石四倍河東令各商

報納每引增銀一錢二分共五錢二分其卧引銀一錢二分西路

斗底銀一錢五分共增課銀七千有奇

鹽政彙纂

神宗萬曆五年題准將定邊道庫貯鹽大池者解延綏其新增延安府課銀三千二百二十一兩原議解河東運司就近改解延綏卽將該鎮應發主兵銀扣補宣府抵河東額課○萬曆六年歲辦陝西鎮鹽課銀七萬一千四百六十四兩明會典○國初召商中鹽量納糧料實邊不煩轉輸而食自足謂之飛輓後因積納數多價直亦賤興利之臣遂改議上納折色行之既久習以爲常彼時改折糧料有餘而價亦賤計以所入爲贏利未爲不可近來糧料不足而價亦騰貴徒煩轉糴邊用索矣大率鹽一引納銀五錢先時可糴米一石今多不過三四斗或二三斗故商人所納數倍於前而國初之所資以餉軍者實則無增於舊彼此虧費其弊益滋是故多得銀不如少得米省和糴之擾也杜浸尅之弊也慰待哺之望也漸墾邊地以致殷富也一舉四善具焉說者又謂間曾開納本

色召商不至蓋何者上納本色時商自募民耕種塞下而得穀爲
易又塞下之積甚多而價輕又無戎虜之患今則耕種廢矣塞下
之積虛矣穀價騰湧強虜出沒勢不安居商人安得糧料應召募
乎欲復本色非減斗頭利商人使商人趨利而開墾邊地不可也
然必遲之四五年而後得其利○河東之鹽惟在天時非苦雨水
深而鹽不結則池涸水乾而鹽不生是產鹽之利不易也鹽不易
生而課銀不減是以商與竈丁俱困而國與民俱病也且河東之
鹽多苦不可食轉之於秦官派之而定其價民出其直而鹽歸於
無用是行鹽之地固病之者也嘗按花馬池一帶皆有產鹽之地
此鹽出之於土卽爲鹽根自成爲鹽是不必湏之於天時者也爲
今之計莫如改河東之鹽於花馬池一路卽移河東西分司居之
將河東發陝西鹽引二十二萬有餘約銀之萬餘兩免其徵派卽

令商人照河東價銀三錢二分糴買糧草施之平延諸郡以供三
邊之費扣其銀兩數目卽以大倉發陝西年例銀徭發山西以補
陝西原派鹽課之數如此不更便乎事雖更張寔無紛亂於國計
民生所爲裨益者益不淺矣況此鹽一開則延平之際商賈輻輳
齊民貿易雖凶荒猝至可以不患也○國家之設六邊其初雖仰
給鄰省之常賦然鹽法所補不少今鹽法任其大壞極弊而莫之
省憂其又何說哉頃歲以來所司以商人困敝不得利改議每鹽
一引止令輸粟一斛若銀則四錢有半此誠通商惠工之術安邊
足用之道其何不善之有奈何法立姦生利不歸商賈之家而碩
以充豪猾之橐聞之邊人言每歲戶部開納年例其文書未至則
內外權豪之家徧持書札預托撫臣撫臣畏勢而莫之敢逆其勢
重者與數千引次者亦一二千引其餘多寡各視其勢之大小而

爲之差次名爲買窩賣窩每占鹽一引則可不出大同之門坐收六錢之息至於躬身轉販真正商人苟非買諸權豪之家丁丐諸貴倖之僕隸則一引半緡曾不得而自有夫一引白得銀六錢積而千引則可坐致六百元萬引則可得六千金以游手游俠之人不移跬步而坐致千金之利至於商賈負販勞筋苦骨乃爲人奴役其支鹽也則有伺候需索之苦至其行鹽貿易也又率爲餘鹽之賈所苦人情何樂於此而爲之乎此邊人耳目所共聞見所以失人心而召禍變虧國計而積耗蠹皆由此道也嘗細求其故其弊之所以不可反者蓋緣北年巡撫都御史習知其地與時不可久處則日夜圖維遷轉旣不免曲意以奉人加以時有喪敗踣躓之失又每務彌縫而懼人之議其後故以重利啗人至於負累商人虧損國計非惟不知恤而亦不暇恤雖其撫治仕宦之家與其

舉人監生生員之室無不人人得與歡心甚至以之賞伶人嬉樂
正而亦莫之恤焉豈不可爲痛恨也伏望勅下該部查議將前開
納事宜改屬巡按御史務令召募正商上納而增其課額卽每引
可得米九斗如令納銀亦不失一兩之入着令沿邊之人無問車
芻石粟皆得詣吏上納則彼號稱商人者旣無勢豪之占據旣已
樂從而彼所謂勢豪者知其無利亦自將舍置而不願如是而商
不輻輳財不饒裕請伏誣妄之戮若御史仍前所云不能爲國家
增課祛弊以濟時艱許吏部都察院及兩京科道叅奏糾劾重承
法典其於邊計雖未必遽充當亦稍有補助要之屯田鹽法政寔
相成鹽法通故佃田益力屯田舉故商賈可依望卽令屯田官痛
革窩奸廣募正商稍益常課詣吏上納者卽備客兵行糧勿歸戶
部添置農官而兩法兼舉職不勝願望但增改鹽課於前湏盡減

餘鹽於後自先年御史秦鉞巡鹽兩淮謬增餘鹽希圖恩賞商人
大失其資今雖裁減尚或未盡乞議盡減以便客商通鹽法

圖書編

○萬曆四十一年鳳翔府改食花馬小池

河東鹽法志

○馬湖峪之鍋

鹽原為明會典所無蓋緣起於萬曆四十三年其先本屯地也在
延安府米脂縣境磽鹺難耕屯丁刮土淋煎行賣綏榆等處辦糧
外願備廩生銀三百餘兩以厚斯文又每鹽一石請票照行納稅
六分抵補花馬大池缺課崇禎二年直指李應期察造事蹟榆林
監司始議按鍋計鹽定票定稅歸入奏銷迄今乃有歲額云

鹽政彙纂

愍帝時寧夏綏綏二鎮鹽引積滯者多率置之無用之地宜撥寧夏

一萬引延綏五千引加派遼東用充兵馬支費

遼東撫臣張學顏奏

○吳牲

疏臣奉命巡方鳳翔府推官錢國用為臣條析漢鳳運鹽之累徵
調煩興每歲正供外有加派遼餉銀有新增遼餉銀有空賠解池

鹽課銀自瑞藩分封漢中又有加派贍田銀加派瑞鹽折色銀運
鹽腳價銀秦民窮窘至極而復有運鹽一役情若倒懸安可不急
爲寬解者查得瑞藩每年食解鹽除折色一千引外本色二百引
又外加走滷鹽四十引每引六百六十斤共計二十二萬四千四
百斤每一百斤爲一包共計二千二百四十四包又續發火食鹽
每年三十九引每引重二百斤共計七千八百斤每一百斤爲一
包共計七十八包照河東折色事例每包僅值銀一兩二錢通計
值銀二千七百八十六兩四錢以上本色并走滷火食三項除公
派催船催夫催騾等項銀一千五百四十兩四錢二分外又有沿
途損壞損架護席補賠銀有路費銀有買免員役鞭朴銀有雨濕
消折補賠銀有領鹽交鹽官差催督使費銀有朋幫夫役工食騾
頭草料銀自晉至漢總計運鹽一包約外費銀十數兩通共約外

費二萬三千餘金又有里長什甲因攀報牛車騾夫鬪毆告狀官府追呼終歲不斷通計運鹽外費較鹽價不翅倍蓰什伯且自寶鷄而南路經雲棧山高石險路窄硤曲懸崖絕壁危橋潺水跋涉艱難去歲霪雨連綿水溢堤斷運鹽至此無論車騾勢不能通卽空人徒行猶且難之況負背鹽包越嶺攀磴而走辛苦萬千言念及此令人憫惻雖然使瑞藩而必須解鹽也卽歷諸艱而致之亦今所當然臣何敢妄陳惟是漢中接壤川蜀而望蒲解在千七百里之外晉鹽味苦價貴而路遠川鹽味甘價廉而路近案查甘肅撫臣白昉清爲關南道時曾以改本爲折易買川鹽奏啟奉令旨贍鹽一節便於本不便於折爲食用計也今據貴道啟稱恐推輓轉運之間爲奸賊竄伏之地萬一詐冒夫役變生不測如近日秦晉陷城墮堡等事亦是計安地方至慮本藩宜共封疆寧不測則

動懷但本色三百四十引業奉欽依何敢擅折湏與撫按商酌題請明旨方可遵行至於易買之說查得漢人雖納晉課實食川鹽本藩仍效漢人暗買則虧體明買則違禁不買則坐困事類觸藩迹同掩耳地方官果能有兩便之圖本藩何難爲轉圜之聽敬此敬遵案行本府覆議日久今經道府呈請鑒鑒言之然不如令旨所稱奸賊竄伏變生不測又暗買傷體明買違禁不買坐困之語尤爲懇切臣竊籌之若不開買鹽之路何以塞運鹽之途欲食川鹽未奉聖旨則爲私鹽而違功令然川路遠近平險臣未悉知因再四訪求有謂四川保寧府爲頓鹽之所射洪蓬溪等縣產鹽最多查各縣產鹽地方陸路運至保寧府遠者不過三四百里近者二三百里自保寧府上船十日可至陽平關乃寧羗州所轄繇陸路二日可到沔縣再一日到漢中卽由陸路運至漢中共計一十

五站通算七百四十里各商販賣川鹽俱由水路查晉鹽至漢中
永陸共計一千七百里以川晉相較則晉遠九百餘里且皆山險
棧道此遠近平險之異算也又有謂易食川鹽自保寧載至陽平
船價之省於腳價者十數倍又從陽平僱夫抵沔縣仍用舟載不
一日至漢中矣相時而行兩月即可竣事則改折解鹽易買川鹽
之說斷斷其可行矣合無仰祈將瑞藩本色鹽三百四十引并火
食三十九引俱自崇禎五年爲始照前引折色事例各按年起解
瑞府量食用多寡聽其給票委官易買川鹽不復累民公私兩便
倘謂漢中係祖制河東行鹽之地恐地方刁棍借名私販則請特
頒明旨止許瑞府改運川鹽嚴禁緝鹽官兵不許奸徒借此混行
私販而民間供晉課食解鹽如舊可也○又疏言臣奉命巡方久
痛心於鳳翔派納鹽課之苦臣查鹽法之壞自萬曆四十一年鳳

守張柟之以意增減始柟解人也因解商折閱累不願赴而議召
靈商遂改食靈鹽然雖食靈鹽仍納解課久之靈商又以折閱累
不願赴而議召鳳商夫鳳無商也貧富戶充之故有每解引一道
支靈鹽三石之議謂不如是則鳳人不赴也府道與鳳民有成議
矣及申報鹽臣鹽臣持舊額上請駁減二石仍令照解鹽每引一
石例而鳳商之以折閱累也更甚有司束於功令勢不得不議僉
派議私幫甚有傾貲納課不願領引到池僦脚卽行私鬻者有運
至府屬價踊售艱引遲獲譴者有戶丁逃亡飛灑包賠者查自鳳
至靈千二百里羊腸峻坂車馬難馳而腳價盤費守候支鹽與夫
驗引盤鹽催諸收課解課壩夫工食等項總計不下三兩每引正
課三錢二分三釐較之平涼慶陽兩府距靈池道近且平均每引價
止一錢一分又就近納寧鎮充各軍月餉無解納遠涉之費以視

鳳翔何啻徑庭同是秦民胡爲一體之中徧有集苑集枯之嘆耶
毋怪乎二萬之逋課終不可得而問也且累日久則課日逋受病
又不獨在民矣臣洞悉其苦歷查舊案自萬曆四十二年至今當
事者日議加增二石而未得一當也臣正欲爲一方請命頃見鹽
臣王與引疏請每引加鹽一石另給一票驗行部覆奉旨鹽勛以
意增減引票粘行殊非成法且前時駁減至三分之二必有定議
何又僉派病民紛更無已還遵前旨查酌明確具奏欽此臣莊誦
之仰見聖明洞灼民隱惟恐其病之也夫鳳民食解鹽解商納解
課與平慶每引一錢一分領鹽一石此祖制也成法也自張柟令
鳳屬改食靈鹽代納解課是紛更也至駁減三分之二是眉睫苟
且之見原無定議所以虧國病商逋課病國僉派病民二十年來
紛更之無已也今卽不能倣祖制令解商辦課以釋鳳民之苦獨

不能倣平慶成例每引一錢一分支鹽一石鳳屬每引三錢三分
三釐加鹽二石以爲經久可行之道乎不然昔減二石今止增一
石正明旨所謂以意增減也何可著爲令甲如謂引票並行未免
混淆今若照平慶事例加鹽二石合無於頒發鳳屬解引之內每
引明註三石觔數似亦直截可行之法也伏乞垂念鳳民二十餘
年之苦累俯順輿情勅下該部覆議上請允將鳳屬每解引一道
准支靈鹽三石自崇禎五年爲始將領發鳳屬解引明註三石責
令有司召集鳳商辦課不許貪派里甲永爲成法以杜紛更或謂
鹽多流販西安則在道府州縣嚴行禁輯如有故違聽撫按叅處
如是則裕國安民計無便於此矣柴庵奏議○延綏巡撫涂宗濬言邊
鹽壅滯餉匱可慮疏云延鎮兵馬雲屯惟賴召買鹽引接濟軍需
歲有常額往時召集山西商人承認淮浙二鹽輸糧於各堡倉給

引前去江南投司領鹽發賣鹽法疏通邊商獲利二百年來未聞壅滯及至於今商人苦稱邊鹽不通引積無用其情甚苦其詞甚哀細詢其故蓋緣江南鹽官失政恣肆漁獵弊竇多端如邊鹽每引每包重止五百五十斤例也而彼鹽每引每包重至二千五百斤人情孰不欲利誰肯舍多而就少乎是彼得利四倍而邊鹽利少無人承買其困一也邊鹽堆積三四年發賣亦例也而彼鹽朝中暮鬻無容堆積人孰不急於趨利孰肯舍速而就緩乎是彼獲利捷徑而邊鹽遲滯無人承買其困二也鹽誌開載商鹽必挨單順序候鹽院委官盤掣而後發賣彼鹽不登單目任意中發既免守候之艱又無掣盤之費人皆樂趨所以邊鹽壅滯引不得售其困三也且彼鹽發賣執有小票聯艘販運江浙吳楚之間何處不到夫行鹽之地有方食鹽之人有限彼之餘鹽既已盛行雖有邊

鹽尋無買主其困四也先年鹽法通行或邊商安於故土不樂遠

鹽尋無買主其困四也先年鹽法通行或邊商安於故土不樂遠涉則有南商來邊收買鹽引引亦無壅今小票便而得利廣孰肯驅馳數千里遐荒之路而貿引乎近年以來塞上無南商之跡矣邊商迫於官刑納粟中引無人承買齎之江南株守累月盤纏罄盡雖減價而不得售其困五也邊方淮鹽每引官價五錢并在彼加納餘價共七錢五分今江南價銀止得四錢四分是虧折本銀三錢一分邊方浙鹽每引官價銀三錢五分今江南價銀止得一錢六分是虧折本銀一錢九分然皆強而後售共計淮浙二十二萬六千餘引虧短價銀五萬七千餘兩四五年間不能周轉及至還鄉債主逼索變產賠償其困六也如此六蠹率由私鹽通行小票通而官引滯所以山西之商忿折貲本盡歸原籍土著之商力窮難支逃亡過半止餘見在數家號呼告退新鹽引目節行催派

并無一人承認三路鹽糧所藉以佐軍儲者盡化烏有司餉者日夜皇皇束手無策邊事至此深可寒心夫三軍之爲國家効力者恃有此月餉耳月餉之所以充足者恃有此鹽商耳今南方鹽法阻滯商鹽不行鹽引不售鹽商不願赴邊納糧中引則軍餉無所復出三軍枵腹荷戈何以責之竭力以禦意外之虞哉伏乞勅下戶部從長酌議務使鹽法疏通邊餉充足無狃目前之近求貽社稷之安熟數利害覆請施行

延綏鎮志

錢法

國朝

大清會典順治元年置寶泉局鑄順治通寶錢每文重一錢令陝西

省延綏鎮開爐鼓鑄令布政司總理就近道廳官分管

順治二年總督孟喬芳

題請西安原有錢法同知一員司鑄局宜令開鑄資軍需○鑄錢
每文重一錢二分每十文准銀一分舊錢每十四文准銀一分
順治三年令延綏鎮鼓鑄五年停止延鎮局

順治十年

題准鑄造制錢背鑄一釐兩字戶部添一戶字陝西添陝字

戶部則例康熙八年戶部題爲請

旨以定各省錢爐事查各省鎮爐座先因錢賤臣部於康熙元年具

題奉

旨停止於康熙六年浙督趙廷臣條議內稱各省爐座仍令照舊鼓

鑄以補國用臣部議覆照該督所請各省爐座俱照順治十七

年例仍頒發樣錢選擇爐役如式鼓鑄奉

旨通行在案今查陝西等省俱已開鑄惟廣東等省原未開爐相應

請

勅各該督撫開爐於民有益無益應開若干座詳查妥議

康熙九年四月戶部侍郎嚴正矩疏稱鼓鑄爐座已經臣部具題將陝西等處據該撫疏稱停止應准停止

大清會典康熙十九年差官往陝西臨潼等處開採銀礦

康熙二十二年停陝西等處開採

歷代錢法

附考

周太公爲周立九府圉法黃金方寸而重一斤錢圉函方輕重以銖

漢書食貨志

秦惠文王立二年初行錢

史記秦紀贊

秦中一國之幣爲三等黃金以鑑名爲上幣銅錢識曰半兩重如

其文爲下幣

史記平準書

興為秦錢重難用更令民鑄錢史記平準書○漢書食貨志曰鑄莢錢

索隱曰碩氏案古今注云秦錢半兩徑寸二分重十二銖莢錢重

三銖錢譜云文為漢興平準書注○漢中郡沔陽有鐵官漢書地理志

孝文時莢錢益多輕更鑄四銖錢其文為半兩令民縱得自鑄錢○

漢興七十餘年府庫餘貨財京師之錢累巨萬貫朽而不可校史記

平準書

武帝建元以來用少縣官往往即多銅山而鑄錢民亦盜鑄不可勝

數錢益多而輕有司言曰金有三等黃金為上白金為中赤金為

下今半兩錢法重四銖而姦或盜摩錢質而取鉛錢益輕薄漢書食貨志

○許慎云鉛銅屑也摩錢漫面取其屑更以鑄錢食貨志注○乃更

請鑄五銖錢周郭其質令不可得摩取鉛食貨志○禁苑有白鹿乃

以白鹿皮方尺緣以藻績為皮幣直四十萬史記平準書○元鼎二年

令京師鑄鐘官赤側

文獻通考

○公卿請令京師鑄鐘官赤側一當五

賦官用非赤側不得行

史記平準書

如淳曰以赤銅爲其郭也今錢見

有赤側者不知作法云何索隱曰鐘官掌鑄赤側之錢

平準書注

○悉

禁郡國無鑄錢專令上林三官鑄錢既多而令天下非三官錢不

得行諸郡國所前鑄錢皆廢銷之輸其銅三官

平準書

漢書百官表

水衡都尉武帝元鼎二年初置掌上林苑屬官有上林均輸鐘官

辦銅令然則上林三官其是此三令乎

平準書注

○白孝武元狩五年

三官初鑄五銖錢至平帝元始中成錢二百八十億萬餘云

漢書食貨

志

○初大農筦鹽鐵官布多置水衡欲以主鹽鐵及楊可告緡錢

上林財物衆乃令水衡主上林上林充滿

史記平準書

○桑弘羊爲大

農幹天下鹽鐵請置大農部丞數十人分部主郡國各往往置

輸鹽鐵官令遠方各以其物相灌輸置平準於京師受天下

漢書食貨志

○汲黯為右內史後免官隱於田園居數年會更五銖錢

民多盜鑄錢

史記汲黯傳

徐廣曰元狩五年行五銖錢

汲黯傳注

○會五銖

錢白金起民為姦京師尤甚乃以義縱為右內史

史記義縱傳

○縣官

以鹽鐵緡錢之故用稍饒矣益廣閼置左右輔

漢書食貨志

光武時長安鑄錢多奸巧京兆尹閻興署主簿第五倫為督鑄錢掾

領長安市倫平銓衡民悅服○時長安市未有秩又鑄錢官奸宄

所集無能整齊理之者興署倫督鑄錢掾領長安市其後小人爭

訟皆云第五掾所平市無姦枉

冊府元龜

○近華山有人掘得數斗錢

皆徑四分好亦二分已上周迴皆無錯鑣處其文只有半王字仍

未成就此則五銖之漸也

泉志

獻帝作五銖錢有四道連於邊緣識者尤之曰豈京師破壞此錢復

出也及董卓劫駕西幸長安悉壞五銖錢盡取長安及洛陽銅人

飛廉之屬以充鼓鑄時人以爲秦始皇見長人於臨洮乃鑄銅人

卓臨洮人也興毀不同凶訛相類晉書食貨志○初平二年悉椎破銅

人鐘簠及壞五銖錢更鑄爲小錢大五分無文章肉好無輪郭不

磨鑣於是貨輕而物貴穀一斛至數十萬自是後錢貨不行後漢書董卓傳

卓傳

北魏延昌三年春有司奏長安驪山有銀鑛二石得銀七兩又漢中

舊有金戶千餘家常於漢水沙淘金年終總輸後臨淮王彧爲梁

州刺史奏罷之魏書食貨志

北齊神武遷鄴已後百姓私鑄體制漸別遂各以爲名有雍州青赤

梁州生厚錢隋書食貨志

周武帝保定元年七月鑄布泉之錢時梁益之境雜用古錢河西

諸郡用西域金銀之錢而官不禁○建德三年六月更鑄五行大

布錢以一當十大收商估之利與布錢並行○四年七月又以邊境之上人多盜鑄乃禁五行大布不得出入四關布泉之錢聽入而不聽出

隋書食貨志

隋高祖受周禪鑄新錢背面肉好皆有周郭文曰五銖而重如其文每錢一千重四斤二兩是時錢既新出百姓咸私有鎔鑄○三年四月詔四面諸關各付百錢爲樣從關外勘樣相似然後得過樣不同者卽壞以爲銅入官○十年奸狡私鑄雜以錫錢乃下惡錢之禁京師邸肆之上令立榜置樣爲準不中樣者不入於市京師以惡錢貿易爲吏所執有死者數年之間私鑄頗息

隋書食貨志

○延

安郡金明有冶官

地理志

唐高祖入長安民間行綫環錢其製輕小凡八九萬纔滿半觔○武德四年鑄開元通寶徑八分重二銖四參積十錢重一兩得輕重

大小之中其文以八分篆隸三體唐書食貨志○商州上洛郡有洛源

監錢官洛南有金有銅有鐵唐書地理志○高祖入關鑄開元通寶其

文給事中歐陽詢製詞及書時稱其工字含八分及篆隸三體其

詞先上後下次左後右讀之自上及左迴環讀之其義亦通流俗

謂之開通元寶錢鄭虔會粹云詢初進蠟樣日文德皇后掐一甲

跡故錢上有掐文每兩二十四銖則一錢重二銖半以下古秤比

今秤三之一也則今錢為古秤之七銖以上古五銖則加重二銖

以上文獻通考○按通考依據舊唐書食貨志原文查新唐書及綱鑑亦俱云開元通寶則迴環讀法自係俗見後人多循流

忘源故特附考

睿宗先天之際兩京錢益濫開元初宰相宋璟請禁惡錢行二銖四

參錢毀舊錢不可用者唐書食貨志○先天元年九月諫議大夫楊虛

受以京中用錢惡貨物踴貴上疏曰伏見市井用錢不勝濫惡有

加鐵錫卽非公鑄虧損正道夷亂平人城外此錢並不任用中京
且猶若是遠郡夫何以堪易曰何以聚人曰財故交易而退各得
其所詩曰京邑翼翼四方是則國家優尚寬典吏人慢法銅錫亂
雜僞錢轉多政刑漸失於利條明罰未加於守長有殊禁人爲非
矣日中爲市聚天下之貨而錢無准的物價騰踴乾沒相乘盈虛
失度又非各得其所矣帝京三市人雜五方滯巧競馳侈僞成俗
至於商賈積滯富豪藏鏹兼并之家歲增儲蓄貧素之士日有空
虛公錢未益於時湏禁法不當於代要四方無所取則矣夫作法
於涼其弊猶貪容奸於非弊將若之何其惡錢臣望官爲博取納
鑄錢州京城並以好錢爲用書奏付中書門下詳議以爲擾政不

行
冊府元龜

元宗開元二十六年置錢監兩京用錢稍善其後錢又漸惡詔出銅

所在置監鑄開元通寶錢京師庫藏皆滿天下盜鑄益起京師權豪歲取之○兩京錢有鵝眼古文綫環之別每貫重不過三四斤至剪鐵而緡之宰相李林甫請出絹布三百萬匹平估收錢物價踴貴訴者日萬人兵部侍郎楊國忠欲招權以市恩揚鞭市門曰行當復之明日詔復行舊錢○天寶十一載又出錢三十萬緡易兩市惡錢出左藏庫排斗錢許民易之國忠又言錢非鐵錫銅沙穿穴古文皆得用之是時增調農人鑄錢非所習內作判官常倫請厚價募工由是役用減而鼓鑄多天下鑪九十九洋州三每鑪

歲鑄錢三千三百緡

唐書食貨志

肅宗乾元元年戶部侍郎第五琦以國用未足幣重貨輕乃請鑄乾元重寶錢徑一寸每緡重十斤以一當十與開元通寶參用及琦爲相又鑄重輪乾元錢一當五十每緡重十二斤與三品錢並行

法既屢易物價騰踴斗米至七千初有虛錢京師人人私鑄并小錢壞鐘像犯禁者愈衆鄭叔清爲京兆尹數月撈死者八百餘人上元元年減重輪錢以一當三十開元舊錢與乾元十當錢皆以一當十碾磴鬻受得爲實錢虛錢交易皆用十當錢由是錢有虛

實之名

文獻通考

代宗廣德二年以劉晏領轉運租庸鑄錢鹽鐵轉輸至上都○永泰二年分天下財賦鑄錢常平轉運鹽鐵置二使京畿關內以京兆尹判度支第五琦領之○諸道鹽鐵轉運使劉晏以江嶺諸州任土所出皆重粗賤弱之貨輸京師不足以供道路之直於是積之江淮易銅鉛薪炭廣鑄錢歲十餘萬緡輸京師○劉晏爲戶部侍郎兼勾當度支轉運鹽鐵鑄錢使江淮粟帛由襄漢越商於以

輸京師

唐書食貨志

德宗相楊炎歲歛錢九百五十餘萬緡以供京師

唐書食貨志

○建中元

年九月戶部侍郎韓洄上言江淮錢監歲共鑄錢四萬五千貫輸

於京師度功用轉送之費每貫計錢二千是才倍利也今商州有

紅崖冶出銅益多又有維源監久廢不理請增工鑿山以取銅興

洛源錢監置十爐鑄之歲計出錢七萬二千貫度功用轉送之費

貫計錢九百則利浮本也其江淮七監請罷從之

舊唐書食貨志貞元

初駱谷散關禁行人以一錢出者十年州縣禁錢不出境商賈皆

絕浙西觀察使李若初請通錢往來而京師商賈齎錢四方貿易

不可勝計詔復禁之

唐書食貨志

憲宗以錢少復禁用銅器時商賈至京師委錢諸道進奏院及諸軍

諸使富家以輕裝趨四方合券乃取之號飛錢京兆尹裴武請禁

與商賈飛錢者搜索諸坊十人爲保○元和四年京師用錢緡少

二十及有鉛錫錢者捕之非交易而錢行衢路者不問○元和六年自京師禁飛錢家有滯藏物價寢輕判度支盧坦兵部尚書判戶部主事王紹鹽鐵使王播請許商人於戶部度支鹽鐵三司飛錢每千錢增給百錢然商人無至者復許商人敵貫而易之然錢重帛輕如故憲宗爲之出內庫錢五十萬緡市布帛每疋加舊估十之一

唐書食貨志

○元和十二年四月勅泉貨之設古有常規將使

輕重得宜是資歛散有節必通其變以利於人今緡帛轉賤公私俱弊宜出現錢五十萬貫令京兆府揀擇要便處開場依市價交易選清強官吏切加勾當仍各委本司先作處置條件聞奏必使事堪經久法可通行又勅近日布帛轉輕見錢漸少皆緣所在壅塞不得通流宜令京城內自文武官僚不問品秩高下并公郡縣主中使等下至士庶商旅寺觀坊市所有私貯見錢並不得過五

千貫如有過此許從勅出後限一月內任將市別物收貯如錢數校多處置未了任於限內於地界州縣陳狀更請限縱有此色亦不得過兩個月若一家內別有宅舍店舖等所貯錢並湏計同在此數其兄弟本來異居曾經分析者不在此限如限滿後有違犯者白身人等宜付所司決痛杖一頓處死其文武官及公主等並委有司聞奏當重科貶戚屬中使亦具名銜聞奏其贍貯錢不限多少並勒納官數內五分取一分充賞錢止於五千貫此外察獲及有人論告亦重科處分并量給告者時京師里閭區肆所積多方鎮錢王鐸韓弘李惟簡少者不下五十萬貫於是競置第宅以變其錢多者竟里巷傭僦以歸其直而高貲大賈多依倚左右軍官錢爲名府縣不得窮驗法竟不行

舊唐書食貨志

○元和十四年六月

勅應屬諸軍諸使有犯時用錢每貫除二十文足陌內欠錢有鉛

錫錢者宜令京兆府枷項收禁牒報本軍本使府司差人就軍看
決二十如情狀難容復有違拒者仍令府司聞奏冊府元龜○元和末

民間墊陌有至七十者鉛錫錢益多吏捕犯者多屬問軍諸使譁

集市人強奪毆傷吏卒京兆尹崔元畧請犯者本軍本使泣決帝

不能用詔送本軍本使而京兆府遣人泣決食貨志

穆宗卽位京師鬻金銀十兩亦墊一兩糴米鹽百錢墊七八京兆尹

柳公綽以嚴法禁止之尋以所在用錢墊陌不一詔從俗所宜內

外給用每緡墊八十唐書食貨志

武宗勅鑄錢之所各以本州郡名爲背文於是京兆府以京字在穿

上藍田縣以藍字在穿右興元府以興字在穿上泉志○淮南節度

使李紳請天下以縣名鑄錢京師爲京錢大小徑寸如開元通寶

交易禁用舊錢唐書食貨志○會昌五年鑄開元錢時有勅令鑄錢所

各加本郡州號名為背文京京兆興鳳藍藍田又節度使李紳請背加

昌字以表年號玉海

昭宗末京師用錢八百五十為貫每百纔八十五唐書食貨志

後唐明宗天成元年五月商州奏當管水銀五窟乞依舊管係冊府元龜

宋坑冶金產商州銀產鳳州有監秦隴興元有三務鐵產鳳翔同州

有冶鳳耀坊州有務水銀產商鳳二州有場朱砂產商州有場宋史

食貨志

太祖開寶九年二月庚辰以鳳州七房銀冶為開寶監宋史太祖本紀

太宗至道二年有司言鳳州山銅礦復出採鍊大獲而皆良焉請置

官署掌其事太宗曰地不受寶當與眾庶共之不許宋史食貨志

真宗天禧末鐵錢有三監興州曰濟眾宋史食貨志

仁宗慶曆五年軍興陝西移用不足始用知商州皮仲容議采洛

縣紅崖山青銅置阜民監鑄錢既而陝西都轉運使張奎知永興軍范雍請鑄大銅錢與小錢兼行大錢一當小錢十又請因晉州積鐵鑄小錢及奎徙河東又鑄大鐵錢亦以一當十助關中軍費未幾三司奏罷河東鑄大鐵錢而陝西復采儀州竹尖嶺黃銅置博濟監鑄大錢

宋史食貨志

○文彥博知永興軍起居舍人毋湜鄆人

也至和中湜上言陝西鐵錢不便於民乞一切廢之朝廷雖不從其鄉人多知之爭以鐵錢買物賣者不肯受長安爲之亂民多閉肆僚屬請禁之彥博曰如此是愈使民間擾惑也乃召緜絹行人出其家繻帛數百疋使賣之曰納其直者盡以鐵錢勿以銅錢也於是衆知鐵錢不廢市肆復安

天祿識餘

○慶曆中勅江南鑄大銅錢

而江池饒儀號又鑄小鐵錢悉輦致關中數州錢雜行大約小銅錢三可鑄當十大銅錢一以故民間盜鑄者衆錢文大亂公私患

之○慶曆末葉清臣爲三司使與學士張方平等上陝西錢議曰
關中用大錢本以縣官取利太多致奸人私鑄比年以來縣官雖
有折當之虛名乃受虧損之實害揀弊不先自損則法未易行請
以江南儀商等州大銅錢一當小錢三小鐵錢三當銅錢一旦罷
官所置爐自是奸人稍無利猶未能絕濫錢其後詔商州罷鑄青
黃銅錢又令陝西大銅錢大鐵錢皆以一當二盜鑄乃止時興元
府西縣增置濟遠監後廢○嘉祐四年興州鑄錢三萬緡宋史食貨志
○陝西每銅錢一貫用鐵錢一貫三十文可換後因常平司指揮
諸州勿出銅錢諸司遂效之民間相傳鐵錢將不用矣家家收蓄
銅錢輕用鐵錢由是錢賤而物加貴王鞏隨手雜錄

英宗治平中增復諸州院治商州金治秦鳳商隴銀治鳳翔鐵治商
州錫治皆置吏主之宋史食貨志

神宗熙寧初薛向鑄鐵錢於陝西民不任用神宗欲罷之王安石固
爭詔畿內并罷其行於四方如故○熙寧初以邊費錢十萬緡儲
求興軍爲鹽鈔本繼又增二十萬四年詔陝西行蜀交子法罷市
鈔或論其不便復舊○熙寧初同華二州積小鐵錢凡四十萬緡
詔賜河東以鐵償之○熙寧時興州濟衆監歲增七萬二千餘緡
陝西三銅錢監各歲增五萬緡又詔鳳翔府斜谷置監已而所鑄
錢青銅夾錫脆惡易毀罷之○熙寧時詔商虢洛南增三監耀鄜
權置兩監通永興華舊監以給改鑄永興鄜耀去鐵冶遠聽改鑄
一年罷商鄆南華最近鐵冶聽久置鄜州等五監候罷改鑄并其
工作歸永興等四監專鑄大錢所鑄大鐵錢約補及所廢僞錢及
可以待交子所用而止

宋史食貨志

○陝西鑄折二錢

凍水記聞

○熙寧四

年陝西轉運使皮公弼言頃歲西邊用兵始鑄當十錢後兵罷多

盜鑄者乃以當三減作當二行之至今銅費相當盜鑄衰息請以

舊銅鉛盡鑄當二錢從之其後折二錢遂行天下文獻通考○熙寧四

年行交子於陝西而罷永興軍鹽鈔場文彥博言其不便會張景

憲出使延州還亦謂可行於蜀不可行於陝西未幾竟罷紹聖以

後界率增造以給陝西沿邊糴買及募兵之用少者數十萬緡多

者或至數百萬緡宋史食貨志○熙寧五年二月壬戌詔罷陝西遞運

銅錫○熙寧八年二月甲子增陝西錢監改鑄大錢神宗本紀○熙寧

八年中書奏陝西鹽鈔利害大抵謂買鈔本錢有限而出鈔過多

買不盡則鈔賤而糴貴故出鈔不可無限今當立額永興路八十

一萬五千秦鳳路一百三十八萬五千永興軍遣官買鈔歲支轉

運司錢十萬緡食貨志○熙寧八年陝西轉運使皮公弼又請鑄鐵

折二從之○諸路鑄錢總二十六監永興軍華州錢監各鑄二十

萬貫計六十萬貫

文獻通考

○九年詔御史劾陝西官吏止三司額外

出鈔○元豐五年戶部以鈔多難售歲給陝西軍儲鈔二百萬

其半然鈔多卒不能平價○元豐以後西師大舉邊用匱缺徐州

置寶豐下監歲鑄折二錢二十萬緡轉移陝府於時同渭秦隴等

州錢監廢置移徙不一

宋史食貨志

哲宗嗣位復申錢弊關出之禁陝西行鐵錢至陝府以東卽銅錢地

民以鐵錢換易有輕重不等之患元祐六年乃議限東行有稅物

者以十分率之止許易二分人毋得過五千

宋史食貨志

○元祐八年

秋七月戊寅令陝西沿邊鐵錢銅錢悉還近地八月庚午詔陝西

復鑄小銅錢

哲宗本紀

○元祐八年命商旅願於陝西內郡入便銅錢

給據請於別路者聽仍定加饒之數

食貨志

○元祐中杜純移陝西

路轉運使時方患陝西幣輕貨重純屢陳歲給本路諸司鹽鈔實

爲飛錢然西州有來商無還貨又鐵錢不出境獨鈔無腳稅朝至國夕爲錢旣以備本路夏秋糴而商賈非以兩時至則鈔歸兼并家不貴售不出若鈔留京師賣錢貯之而別爲公據與本路凡入穀若錢者給之至京師歸以鈔錢則貨幣平不行集○元祐末定鈎致之法議者謂陝右所用折二鐵錢止當一小銅錢卽折二銅錢盡歸陝西不直般運費廣狎難鈎致且與鐵錢一等慮鐵錢轉更加輕乃令折二銅錢寬所行地聽行於陝西一路○紹聖元年戶部尚書蔡京奏岑水場銅額寢虧而商號間苗脉多陝民不習烹採久廢不發請募南方善工詣陝西經畫擇地興冶於是以許天啟同管幹陝西坑冶事宋史食貨志○陸詵提點陝西刑獄時鑄錢法壞議者欲變大錢當一詵言民間素重小銅錢而賤大鐵錢他日以一當三猶輕之今減令均直大錢必廢請以一當二則公

私所損無幾而商賈可以通行兼盜鑄者計其直無贏將必自止

從之

陸說傳

○紹聖初鐵錢寢輕元符二年詔陝西悉禁銅錢在民

間者永興帥臣陸師閔言既揀毀私錢禁銅罷冶則物價當減願下陝西州縣凡有市買並準度銅錢之直以平其價詔用其言而豪賈富家多不便○元符三年許天啟罷領院冶以其事歸之提刑司初新舊院冶合爲一司而漕司兼領天啟爲同管幹欲專其事慮有所牽制乃請川陝京西路院冶自爲一司許檢束州縣刺舉官吏而漕司不復兼院冶至是中書奏天啟所領首末六年總新舊銅止收二百六萬餘斤而兵匠等費繁多故罷之

食貨志

徽宗嗣位通判鳳州馬景夷言陝西自去年罷使銅錢續追官措置錢法未聞有深究錢弊輕重灼見利害者銅錢流注天下雖千百年未嘗有輕重之患獨鐵錢局於一路所可通交易有無者限以

十州之地欲無滯礙安可得乎宜弛其禁界許鄰近陝西等路通行折二錢乃詔銅鐵錢聽民間通行而銅錢止用糴買○建中靖

國元年陝西轉運副使孫傑以鐵錢多而銅錢少請復鑄銅錢候

銅鐵錢輕重稍均卽聽兼鑄

宋史食貨志

○建中靖國四年閏二月甲

申置陝西監鑄當二夾錫鐵錢

徽宗本紀

○崇寧元年前陝西轉運判

官都貺請權罷陝西鑄鐵錢○崇寧二年許天啟爲陝西轉運副

使請鑄當十錢五月始令陝西以歲所鑄小平錢增料改鑄當五

大銅錢以聖宋通寶爲文

食貨志

○崇寧二年二月初令陝西鑄折

十銅錢並錫錢

文獻通考

○崇寧四年蔡京議令解鹽新鈔止行陝西

詔陝西舊鈔減落價踰五十者論以法○崇寧五年詔鈔法用之

民信已久飛錢裕國其利甚大比考前後法度頗究利害其別爲

號驗給解鹽換請新鈔先以五百萬緡赴陝西河東止給糴買

商旅赴權貨務換請東南鹽鈔又詔陝西作當五通寶錢所請未
多旋復詔當十錢行於陝西始禁陝西鐵錢行於興元府等界○
崇寧時設鑄錢院所鑄銅錢通行諸路而陝西係鐵錢地禁之○
大觀元年詔改四川交子務爲錢引務陝西河東皆以舊錢引入
成都換易故四川有壅遏之弊河陝有道路之艱豪家因得以損
直歛取乃詔未興軍更置務納換陝西河東引仍遣大臣二人監
之○大觀二年以鐵錢猥多禁陝西鐵錢入蜀八月提舉陝西坑
冶司改併入轉運司○大觀四年詔許陝西鐵錢入蜀仍舊盡釋
其禁侍御史毛注言朝廷自昔謹三路之備糧儲豐溢惟鈔法流
通上下交信陝西解鹽鈔支請解鹽鈔至則給不復滯留當時商
旅皆悅爭運糧草入於邊郡自崇寧來鈔法屢更人不敢信○大
觀中張商英爲相議變通損益令內府錢移用以革錢鈔物三等

偏重之弊陝西給鈔五百萬緡

宋史食貨志

○政和元年二月乙巳詔

陝西復鑄夾錫錢夏四月乙卯罷陝西鑄夾錫錢

徽宗本紀

○政和元

年詔陝西舊行使鐵錢地並依元豐年大鐵錢折二公私通行夾錫錢同之毋得分別見存鐵錢毋改更鑄夾錫詔陝西鈔依鈔面實價輒增減者以違制論未幾復以陝西通行鹽鈔舊雖約以銅錢六千爲鈔面然鈔貴則入粟增多鈔平則入穀減少若限以六千陝西惟行鈔錢是鹽鈔一席得六千鐵錢斛斗矣深損公家其隨時增減聽之○政和二年蔡京復得政條奏鑄夾錫錢精善請復鑄如故不論何路所鑄並聽通行陝西○政和三年尚書省言陝西路院治已遣官吏提轄措置川路金銀院治興廢慮失利源詔令陝西措置官兼行川路事○九月措置陝西院治蔣彞奏本路院治收金千六百兩他物有差詔輸大觀西庫彞增秩官屬各

減磨勘年○政和四年

罷鼓鑄夾錫錢悉輦椿關中尋詔陝西外

餘路並罷○政和六年

川陝路各置提轄措置院治官○政和時

關中錢甚輕夾錫欲以重之其實與鐵錢等物價日增患甚於當

十○童貫宣撫陝西以詔堅平物價錢卽經畧鄜延抗疏言詳考

詔旨謂鐵錢復行與夾錫並用慮姦民妄作輕重欲維持推行俾

錢物相值非欲以威力脅以百姓頓減物價於一兩月之間今宣

撫司裁損米穀布帛金銀之價殆非人情詔卽妄有建明毀辱使

命謫置偏州尋亦罷行夾錫錢且禁裁物價○重和元年罷京西

鑄夾錫錢繼以關中糴買用之通流復命鼓鑄專給關中夾錫行

小民往往以藥點染與銅錢相亂

食貨志

欽宗靖康元年罷政和敕陝西路用銅錢斷徒一年配千里法初蔡

京主行夾錫錢詔鑄於陝西以命轉運副使許天啟推行其法以

夾錫錢一折銅錢二每緡用銀八斤黑錫半之白錫又半之

宋史食貨志

高宗紹興九年六月戊寅置錢山務於永興軍八月己巳命陝西復

行鐵錢

宋史高宗本紀

金主亮天德二年毛碩充陝西轉運使以陝右邊荒賦入甚薄市井

交易商賈不通請視汴京燕京例給交鈔通行朝廷從之

金史毛碩傳

○正隆二年十月括民間銅鑄器陝西南京者輸京兆

食貨志

○正

隆三年二月壬辰京兆初置錢監

海陵本紀

○正隆三年京兆置錢監

一曰利用文曰正隆通寶輕重如宋小平錢而肉好文峻整過

之與舊錢通用

食貨志

世宗大定元年用吏部尚書張中彥言命陝西路叅用宋舊鐵錢四年寢不行詔陝西行戶部並兩路通檢官詳究其事皆言民間用

錢名與鐵錢兼用其實不爲準數公司不便遂罷之

金史食貨志

章宗明昌四年上諭宰臣曰或言鐵錢七有破損當令所司以銅錢償之者叅知政事胥持國不可曰如陝西四市易亦有用銀市薑蒜若舊有鐵錢宜姑收貯以備緩急遂令有司籍鐵錢及諸無用之數貯於庫八月提刑司言陝西所降交鈔多於見錢使民艱於流轉宰臣以聞遂令本路權稅及諸名色錢折交鈔官兵俸許錢絹銀鈔各半之若錢銀數少卽全給交鈔○承安四年三月又以銀鈔阻滯令陝西銀鈔從便餘路並許以收銀鈔各半續文獻通考泰和六年四月陝西交鈔不行以見錢十萬貫爲鈔本與鈔相易復以小鈔十萬貫相叅用之○七年十一月命陝西路院務諸稅及諸科名錢並以鈔三分爲率一分納十貫例者二分五貫例者餘並收

見錢

金史食貨志

宣宗貞祐三年五月權西安軍節度使烏林達與言閔陝軍多供億

不足所仰交鈔則取於京師徒成煩費乞降板就造便金史食貨志

元世祖至元二十四年冬十月立陝西寶鈔提舉司元史世祖本紀

順帝至正十八年二月中書省臣奏以陝西軍旅事劇務殷去京師

道遠供費艱難請就陝西印造寶鈔爲便遂分戶部寶鈔庫等官

置局印造元史順帝本紀

明太祖洪武二十六年各處鑪座錢數陝西三十九座半每歲鑄錢

二千三百三萬六千四百文續文獻通考

